福嚴推廣教育班第33期

《十住毘婆沙論》卷2~3

〈釋願品第五〉

(大正26,30b10-35a21)

釋厚觀(2017.03.18)

壹、菩薩欲入十地應當發願

已說「入初地方便」¹及「淨治法」²。菩薩因願故得入諸地,又成就**信力增**上等功德³故,安住其地,今當分別此願。

貳、安住初地菩薩發十大願

(壹)初願,(貳)第二願

一、舉偈頌總說4

願供養奉給,恭敬一切佛;5願皆守護持,一切諸佛法。6

¹ 參見《十住毘婆沙論》卷 1〈2 入初地品〉(大正 26,23a21-26a10)。

- ² (1)「菩薩以二十七法淨治初地」,參見《十住毘婆沙論》卷 2〈4 淨地品〉(大正 26,28c23-30b9)。
 - (2)「多行**七事**能淨治初地」,參見《十住毘婆沙論》卷 2〈3 地相品〉(大正 26, 26a19-22),《十住毘婆沙論》卷 12〈26 譬喻品〉(大正 26, 89c6-10)。
 - (3)「行**十法**能淨治初地」,參見《十住毘婆沙論》卷 9〈19 四法品〉(大正 26,68b3-9)。
- ³ 「信力增上」乃至「不樂世間法」等二十七種功德,參見《十住毘婆沙論》卷 2 〈4 淨地品〉(大正 26,28c23-30b9)。
- 4 案:下一偈頌前半為初願,後半為第二願。
- 5 (1)《十住經》卷 1 〈1 歡喜地〉(大正 10,501a12-17): 菩薩如是安住歡喜地,發諸大願,生如是決定心,所謂我當供養一切諸佛, 皆無有餘,一切供養之具隨意供養,心解清淨,發如是大願,廣大如法性、 究竟如虚空,盡未來際、盡供養一切劫中所有諸佛以大供養具,無有休息。
 - (2)《大方廣佛華嚴經》卷 34〈26十地品〉(大正10,181c11-15): 佛子!菩薩住此歡喜地,能成就如是大誓願、如是大勇猛、如是大作用,所 謂:「生廣大清淨決定解,以一切供養之具,恭敬、供養一切諸佛,令無有 餘,廣大如法界,究竟如虚空,盡未來際一切劫數,無有休息。」
 - (3)《佛說十地經》卷1〈1菩薩極喜地〉(大正10,538c9-14): 復次!菩薩住於極喜地時,引發如是諸大誓願、諸大勇決、諸大出離,為以 無餘供養之具及以周備承事品類,普遍供養一切如來。一切行相勝妙成就, 而以最上勝解,清淨廣大法界、盡虚空性、窮未來際一切劫數佛出世數,無 有休息,為大供事發初大願。

二、釋偈頌義

(一)初願——供養、奉給、恭敬諸佛願

1、略標

此是諸菩薩初願。

從初發心乃至得阿耨多羅三藐三菩提,於其中間所有諸佛,盡當供養、 奉給⁷、恭敬。

2、別釋「供養、奉給、恭敬」

(1) 第一說

供養,名花香、瓔珞、幡蓋、燈明、起塔廟等。

奉給,名衣服、臥具、所須之物。

恭敬,名⁸尊重、禮拜、迎來送去、合掌、親侍⁹。

(2) 第二說

復次,以**小乘法**教化眾生名為**供養**;

以辟支佛法教化眾生名為奉給;

以大乘法教化眾生名為恭敬。

3、結

是第一願。

(二)第二願——護持三世一切諸佛法願

護持一切諸佛法者,菩薩作是念:「一切過去、未來、現在十方三世諸佛法,我應守護。」

6 (1)《十住經》卷1〈1 歡喜地〉(大正 10,501a17-22):

又,一切諸佛所說經法皆悉受持,攝一切諸佛阿耨多羅三藐三菩提故,一切 諸佛所教化法悉皆隨順、一切諸佛法皆能守護,發如是大願,廣大如法性、 究竟如虚空,盡未來際、盡皆守護一切劫中一切佛法,無有休息。

- (2)《大方廣佛華嚴經》卷 34〈26十地品〉(大正 10,181c15-18): 又發大願:「願受一切佛法輪,願攝一切佛菩提,願護一切諸佛教,願持一 切諸佛法,廣大如法界,究竟如虛空,盡未來際一切劫數,無有休息。」
- (3)《佛說十地經》卷1〈1菩薩極喜地〉(大正10,538c14-18): 為欲受持一切如來所說法眼,為欲攝受諸佛菩提,為護一切正等覺教,廣大 法界、盡虛空性、窮未來際一切劫數,無有休息,為攝受妙法發第二大願。
- ⁷奉給:供給,供應。(《漢語大詞典》(二),p.1513)
- 8 (稱)+名【宋】【元】【明】【宮】。(大正26,30d,n.7)
- ⁹ 侍 (アヽ):1.陪從或伺候尊長。(《漢語大詞典》(一), p.1312)

※因論生論:過去諸佛已滅,法亦隨滅;未來諸佛未出,法亦未有,云何當得守護

問曰:過去諸佛已滅,法亦隨滅;未來諸佛未出,法亦未有,尚無初轉 法輪,何況餘法!云何當得守護?正可守護現在諸佛法,以諸佛 現在故。

答曰:過去、未來、現在諸佛法,皆是一體一相。是故若守護 (30c) 一佛法,則為守護三世諸佛法。如經¹⁰說:「佛告諸比丘:『毘婆尸佛¹¹法,出家、受戒、著衣、持鉢、禪定、智慧、說法、教化,亦如我也。』」是故汝難不然!

是第二願也。

(參)第三願——供養諸佛受持正法願

復次,諸佛從兜術¹²,退來在世間;乃至教化訖,永入無餘界。 處胎及生時,出家趣道場,降魔成佛道,初轉妙法輪。 奉迎諸如來,及¹³於餘時中,願我悉當得,盡心而供養。¹⁴

10 (1)《增壹阿含經》卷 45 (48 十不善品)(4)(大正 2,790a8-791b29)。

又,一切世界一切諸佛從兜率天來下、入胎,及在胎中、初生時、出家時、成佛道時,悉當勸請轉大法輪、示入大涅槃。我於爾時**盡往供養、攝法為首**,三時轉故,發如是大願,廣大如法性、究竟如虚空,盡未來際、盡一切劫奉迎供養一切諸佛,無有休息。

- (2)《大方廣佛華嚴經》卷 34〈26十地品〉(大正 10,181c18-23): 又發大願:「願一切世界佛興于世,從兜率天宮沒、入胎、住胎、初生、出家、成道、說法、示現涅槃,皆悉往詣親近供養,為眾上首,受行正法,於一切處一時而轉,廣大如法界,究竟如虚空,盡未來際一切劫數,無有休息。」
- (3)《佛說十地經》卷 1 〈 1 菩薩極喜地〉(大正 10,538c18-24): 為一切佛出現於世,無餘一切諸世界中,住覩史多天宮為首,降下、入胎、 住胎、生長、出家、成道、受梵王請轉大法輪、示大涅槃,為悉往詣供養、 受法加行為先,為一切處同時而轉,廣大法界、盡虚空性、窮未來際一切 劫數佛出世數,無有休息,為悉往詣發第三大願。

⁽²⁾ 另參見《長阿含經》卷 1 (第 1 經)《大本經》(大正 1, 1b13-10c29)。

^{11 (1)} 案: 毘婆尸佛為過去七佛之第一佛。

⁽²⁾ 七佛:又稱過去七佛。指釋迦佛及其出世前所出現之佛,共有七位。即毘婆尸佛、尸棄佛、毘舍浮佛、拘留孫佛、拘那含牟尼佛、迦葉佛與釋迦牟尼佛。(《佛光大辭典》(一),p.96.2-96.3)

¹² 術=率【宋】【元】【明】【宮】。(大正 26,30d,n.9)

¹³ 及=又【宋】【元】【明】【宫】。(大正 26,30d,n.10)

^{14 (1)《}十住經》卷 1 〈1 歡喜地〉(大正 10,501a22-27):

諸佛始**從兜術¹⁵天上,退下世間**,終至**無餘涅槃**。於其中間**入胎**時大設供養,及**生時、出家、趣道場、降魔王、成佛道、轉法輪**,奉迎如來。¹⁶

徐時者,現大神通,人天大會,廣度眾生;爾時當以華香、幡蓋、伎樂¹⁷、 歌頌、稱讚,**出家受法、如說修行**,以第一供養之具,供養諸佛。

是第三願。

(肆)第四願——教化眾生願令入諸道

復次,**願教化眾生,令悉入諸道。**18

15 術=率【明】【宮】。(大正 26,30d,n.11)

16 印順法師,《大乘起信論講記》, pp.318-319:

初住菩薩,隨願化現八種利益眾生事:

- 一、「從兜率天退」: 兜率天,此云知足天,是欲界第四天。最後生菩薩,住在此 天中;等到要下生成佛,即先從兜率天退歿。
- 二、「入胎」:如釋迦佛現入摩耶夫人的胎中。
- 三、「住胎」:即十月在胎,逐漸的成長。
- 四、「出胎」:如釋迦佛在嵐毘尼園降生。
- 五、「出家」:如釋迦佛見老病死苦而踰城出家。
- 六、「成道」:如釋迦佛在菩提樹下成道。
- 七、「轉法輪」:如釋迦佛成道以後,到鹿野苑,為五比丘轉四諦法輪。
- 八、「入於涅槃」:如釋迦佛末後於拘尸那的雙樹間入涅槃。
- 這八種相,是佛應化世間,從始至終的過程。八相成道,自來即有二說:
- 一、如本論所列舉的,這是順於一般大乘經的。
- 二、有的沒有「住胎相」,但在成道前加「降魔相」。
- 17 伎樂:1.音樂舞蹈。(《漢語大詞典》(一), p.1179)
- 18 (1)《十住經》卷 1 〈1 歡喜地〉(大正 10,501a27-b5):

又,一切諸菩薩所行,廣大、高遠、無量、不可壞、無有分別,諸波羅蜜所攝、諸地所淨,生諸助道法,有相、無相,道有成、有壞,一切菩薩所行諸地道及諸波羅蜜本行,教化令其受行,心得增長,發如是大願,廣大如法性、究竟如虚空,盡未來際、**盡一切劫中諸菩薩所行,以法教化成熟 双生,無有休息**。

- (2)《大方廣佛華嚴經》卷 34〈26十地品〉(大正 10,181c23-28): 又發大願:「願一切菩薩行廣大、無量、不壞、不雜,攝諸波羅蜜,淨治諸 地,總相、別相、同相、異相、成相、壞相,所有菩薩行皆如實說,教化 一切,令其受行,心得增長,廣大如法界,究竟如虚空,盡未來際一切劫 數,無有休息。」
- (3)《佛說十地經》卷1〈1菩薩極喜地〉(大正10,538c24-539a1): 為欲引發諸菩薩行,廣大無量及無分別波羅蜜多之所攝受,淨治諸地總相、 別相、同相、異相、成相、壞相,諸菩薩行如實無倒,顯示菩薩智地之道,

教,名教¹⁹他以善法。

化,名猿離惡法。

我當以此二法,令無量阿僧祇眾生住聲聞、辟支佛道。

是第四願。

(伍)第五願——令眾生趣向佛道願

復次,願一切眾生,成就佛菩提——有人向聲聞、辟支佛道者。20

是人修集聲聞、辟支佛法,未入法位²¹,我當教化,令趣佛道。 有人不向聲聞、辟支佛道,我當教化,令向無上佛道。 有人向無上佛道者,我當示教利喜²²,令其功德轉更增益。

> 悉能瑩飾諸到彼岸,授與教授教誡所持資助發心,廣大法界、盡虚空性、 窮未來際一切劫數及正行數,無有休息,為是**引發第四大願**。

- 19 教+(化)【宋】【元】【明】【宫】。(大正 26,30d,n.15)
- 20 (1)《十住經》卷1〈1歡喜地〉(大正10,501b5-12): 又,一切眾生,若有色、若無色,若有想、若無想、若非有想非無想,若 卵生、若胎生,若濕生、若化生,三界繫、入於六道,在一切生處、名色

所攝,為教化成熟一切眾生、斷一切世間道、令住佛法、集一切智慧使無有餘,發如是大願,廣大如法性、究竟如虚空,盡未來際、盡一切劫教化

一切眾生,無有休息。

- (2)《大方廣佛華嚴經》卷 34〈26十地品〉(大正 10,181c28-182a5): 又發大願:「願一切眾生界有色、無色,有想、無想、非有想非無想,卵生、 胎生、濕生、化生,三界所繫、入於六趣一切生處、名色所攝,如是等類, 我皆教化,令入佛法,令永斷一切世間趣,令安住一切智智道,廣大如法 界,究竟如虛空,盡未來際一切劫數,無有休息。」
- (3)《佛說十地經》卷 1 〈 1 菩薩極喜地〉(大正 10,539a1-8): 為欲成就無餘一切諸有情界,有色、無色,有想、無想、非有想非無想, 卵生、胎生、濕生、化生,三界所繫、入於六趣、繫屬一切受生之處、名 色所攝,為令趣入於佛法中,為令永斷一切趣數,為令安處一切智智,廣 大法界、盡虛空性、窮未來際一切劫數有情界數,無有休息,為欲成熟諸 有情界發第五大願。
- ²¹ (1) 印順法師,《如來藏之研究》,第二章,第二節〈如來與界〉,p.32: 在鳩摩羅什(Kumārajīva)的譯典中,有「法位」一詞。入「正性離生」 (samyaktva-niyāma),或作「正性決定」。入正性決定,或譯作入正決定, 羅什是譯作「入正位」的。niyāma——尼夜摩,羅什譯作「位」,所以「法 位」是 dharma-niyāmatā 的別譯。
 - (2) 印順法師,《大乘起信論講記》, p.321: 入正位,即入正性離生,或入正性決定。聲聞以見道、發無漏慧名入正位。 大乘以發心住的悟不由他、入正定聚,名為入正位。

如是教化一切眾生。

是第五願。

(陸)第六願——信解一切法入平等願

復次,願使一切法,信解入平等。²³(31a)

- 一切法者,凡所有法:
- ⁽¹⁾度法、非度法。 ⁽²⁾攝覺意法²⁴、非攝覺意法。
- (3) 助道法、非助道法。(4) 聖道所攝法、非聖道所攝法。
- (5) 應修法、不應修法。^{25 (6)} 應近法、不應近法。
- (7) 應生法、不應生法。(8) 生法、不生法。
- ²² 《大智度論》卷 54〈27 天主品〉(大正 25,445a20-28):

示者,示人好醜、善不善、應行不應行;生死為醜,涅槃安隱為好。分別三乘, 分別六波羅蜜,如是等名示。

教者,教言汝捨惡行善,是名教。

利者,未得善法味故,心則退沒,為說法引導令出,汝莫於因時求果,汝今雖勤苦,果報出時大得利益,令其心利故名利。

喜者,隨其所行而讚歎之,令其心喜,若樂布施者,讚布施則喜,故名喜。 以此四事,莊嚴說法。

- ²³ (1)《十住經》卷 1 〈1 歡喜地〉(大正 10,501b12-18):
 - 又,一切世間廣狹、極高、無量、不可分別、不可移動、不可說,麁、細, 正住、倒住,首足相對、平坦圓方,隨入如是世間,智如帝網,經幻事差 別,如是,十方世界差別皆現前知。發如是大願,廣大如法性、究竟如虚 空,盡未來世、盡一切劫如是世界皆現前淨知,無有休息。
 - (2)《大方廣佛華嚴經》卷 34〈26十地品〉(大正 10,182a5-9): 又發大願:「願一切世界廣大、無量, 麁細、亂住、倒住、正住, 若入、若 行、若去,如帝網差別,十方無量種種不同,智皆明了,現前知見,廣大 如法界,究竟如虚空,盡未來際一切劫數,無有休息。」
 - (3)《佛說十地經》卷1〈1菩薩極喜地〉(大正10,539a8-12): 為欲無餘一切世界廣大、無量、麁細,亂住、覆住、仰住,帝網差別,入 於十方**種種異相,皆以隨行,現前知見**,廣大法界、盡虛空性、窮未來際 一切劫數及世界數,無有休息,為**欲往趣發第六大願**。
- ²⁴ 覺意法:指七覺支。參見《雜阿含經》卷 26 (705 經)(大正 2,189b27-29): 若修習七覺支,多修習令增廣,是則不退法。何等為七?謂念覺支、擇法覺支、 精進覺支、猗覺支、喜覺支、定覺支、捨覺支,是名不退法。
- ²⁵ 《阿毘達磨品類足論》卷 6〈6 辯攝等品〉(大正 26,715b11-13): **所應修法**云何?謂善有為法。

非所應修法云何?謂不善、無記法及擇滅。

- (9) 現在法、非現在法。
- ⁽¹⁰⁾ 因緣生法、非因緣生法。^{26 (11)} 因緣法、非因緣法。²⁷
- (12) 從思惟生法、不從思惟生法。
- (13) 麁法、細法。28 (14) 受法、不受法。
- ⁽¹⁵⁾内法、外法。 ⁽¹⁶⁾内入所攝法、非内入所攝法。 ⁽¹⁷⁾外入所攝法、非外入所攝法。
- (18) 五陰所攝法、非五陰所攝法。(19) 五受陰所攝法、非五受陰所攝法。
- (20) 四諦所攝法、非四諦所攝法。29
- (21) 助世法、非助世法。
- (22)依貪法、依出30法。(23)顛倒法、非顛倒法。
- ⁽²⁴⁾ 變法、非變法。 ⁽²⁵⁾ 悔法、非悔法。^{31.}
- (26) 大法、小法。32

²⁶ 《大智度論》卷 31〈1 序品〉(大正 25,288c21-23): **有為法名因緣和合生**,所謂五眾、十二入、十八界等。 **無為法**名無因緣,常不生不滅,如虚空。

- 27 (1)《阿毘達磨品類足論》卷6〈6辯攝等品〉(大正26,716b15-17): 因緣法云何?謂一切法。 非因緣法云何?謂如是法求不可得,以一切法是因緣故。
 - (2) 案: 與第84項重複。
- 28 案:與第95項重複。
- 29 (1)《阿毘達磨品類足論》卷6〈6辯攝等品〉(大正26,716b5-6): 聖諦所攝法云何?謂一切有為法及擇滅。 非聖諦所攝法云何?謂虛空、非擇滅。
 - (2)《大智度論》卷 94〈84 四諦品〉(大正 25,721a12-13): 非四諦者,虚空、非數緣盡;餘在四諦。
- 30 案:「出」或指「出離」。
- 31 (1)《舍利弗阿毘曇論》卷 21〈攝相應分〉(大正 28,662b22-24): 何謂悔法?於作非作處,作非作已,若悔心燋熱,是名悔法。 何謂無悔法?除悔,若餘法是名無悔法。
 - (2)《阿毘達磨法蘊足論》卷9〈16雜事品〉(大正26,497a29-b1): 云何惡作?謂心變、心懊、心悔,我惡作惡作性,總名惡作。
- 32 《阿毘達磨品類足論》卷 6〈6 辯攝等品〉(大正 26,716c27-717a5): 小法云何?謂小信、小欲、小勝解及彼相應法,彼俱有法,若諸色法,少小、微 細、不多、不廣,是名小法。

大法云何?謂大信、大欲、大勝解及彼相應法,彼俱有法,若諸色法雖復多廣, 而非無邊、無際、無量,若虚空、非擇滅,是名大法。

無量法云何?謂無量信、無量欲、無量勝解及彼相應法,彼俱有法,若諸色法多

《十住毘婆沙論》講義

- (27) 受處法、非受處法。
- (28) 可斷法、不可斷法。33
- (29)知見法、不34知見法。
- (30) 有漏法、無漏法。35 (31) 有繫法、無繫法。36
- (32) 有淨法、無淨法。
- (33) 有上法、無上法。37
- (34) 有覺法、無覺法。 (35) 有觀法、無觀法。38

廣、無邊、無際、無量,若擇滅,是名無量法。

- 33 (1)《阿毘曇毘婆沙論》卷 15 (3 人品)(大正 28,115a20): 可斷法云何?答言:一切有漏法。
 - (2)《十住毘婆沙論》卷 14〈28 分別二地業道品〉(大正 26,96c29-97a1): 或可斷,或不可斷。有漏可斷,無漏不可斷。可見、可知亦如是。
- 34 不=非【宋】【元】【明】【宫】*。(大正 26,31d,n.1)
- 35 (1)《阿毘達磨大毘婆沙論》卷 76 (大正 27,392b17-24):

問:有漏法云何?答:十處、二處少分——謂意處、法處少分。

問:無漏法云何?答:二處少分——謂即意處、法處少分。

問:有漏、無漏其義云何?

答:若法能長養諸有、攝益諸有、任持諸有,是有漏義。與此相違是無漏義。

復次,若法能令諸有相續生老病死、流轉不絕是**有漏**義。與此相違是 無漏義。

(2)《大智度論》卷44〈11幻人無作品〉(大正25,381b26-29):

何等為**有漏法**?五受眾、十二入、十八界,六種、六觸、六受,四禪乃至 四無色定,是名有漏法。

何等為無漏法?四念處乃至十八不共法及一切種智,是名無漏法。

- ³⁶ 《阿毘達磨品類足論》卷 7〈6 辯攝等品〉(大正 26,719b16-18):
 - **欲界繋法**云何?謂欲界繋五蘊。
 - 色界繁法云何?謂色界繫五蘊。
 - 無色界繫法云何?謂無色界四蘊。

不繁法云何?謂一切無漏法。

- 37 (1)《阿毘達磨品類足論》卷6〈6辯攝等品〉(大正26,716a5-6): 有上法云何?謂一切有為法及虚空、非擇滅。 無上法云何?謂擇滅。
 - (2)《大智度論》卷 55〈28 幻人聽法品〉(大正 25,449b21-22): 如阿毘曇中說:「**有上法**者,一切有為法,及虚空、非智緣盡。 無上法者,智緣盡,所謂涅槃。」
- 38 《眾事分阿毘曇論》卷 5〈6分別攝品〉(大正 26,650b4-7): 云何有覺有觀法?調若覺觀相應。

- (36) 可喜法、不39可喜法。
- (37) 相應法、不相應法。40
- (38)有分別法、無分別法。
- (39) 行法、無行法。
- ⁽⁴⁰⁾有緣法、無緣法。⁴¹
- (41) 有次第法、無次第法。42
- ⁽⁴²⁾可見法、不可見法。^{43 (43)}有對法、無對法。^{44 (44)}可見有對法、不可

云何無覺有觀法?謂若法覺不相應、觀相應。

云何無覺無觀法?謂若法覺觀不相應。

- 39 不=非【宋】【元】【明】【宮】*。(大正 26,31d,n.1)
- ⁴⁰ 《阿毘達磨品類足論》卷 6〈6 辯攝等品〉(大正 26,716b8-9):

相應法云何?謂一切心、心所法。

不相應法云何?謂色、無為、心不相應行。

- 41 (1)《阿毘達磨品類足論》卷6〈6辯攝等品〉(大正26,715c26-27): 有所緣法云何?謂一切心、心所法。 無所緣法云何?謂色、無為、心不相應行。
 - (2)《阿毘達磨品類足論》卷 5 〈6 辯攝等品〉(大正 26,711c15-16): 有事法、無事法,有緣法、無緣法。
 - (3)《阿毘達磨品類足論》卷6〈6辯攝等品〉(大正26,716a3-5): 有事、有緣法云何?謂有為法。 無事、無緣法云何?謂無為法。
- 42 (1)《眾事分阿毘曇論》卷 4〈6分別攝品〉(大正 26,647c17-22): 云何有次第法?謂彼「有漏心、心法」次第生餘「心、心法」,已起、當起; 及無想正受、滅盡正受,已起、當起,是名「有次第法」。 云何非有次第法?謂除「有次第心、心法」,若餘心、心法;除「有次第心 不相應行」,若餘心不相應行、色及無為。
 - (2)《阿毘達磨品類足論》卷6〈6辯攝等品〉(大正26,715a16-23): **有為等無間法**云何?謂「有漏心、心所法」等無間諸餘「有漏無漏心、心 所法」,若已生、若正生;及無想定、滅定,若已生、若正生,是名「有為 等無間法」。

非有為等無間法云何?謂除「有為等無間心、心所法」, 諸餘心、心所法; 及除^{**}「有為等無間心不相應行」, 諸餘心不相應行, 并色、無為, 是名「非 有為等無間法」。

※案:《大正藏》原作「餘」,今依宋本等改作「除」。 ※餘=除【宋】【元】【明】【宮】【聖】。(大正 26,715d, n.1)

43 (1)《眾事分阿毘曇論》卷4〈6分別攝品〉(大正26,646c23-24): 云何可見法?謂一入。 云何不可見法?謂十一入。

《十住毘婆沙論》講義

見無對法。45

- (45)有相法、無相法。
- (46) 可行法、不可行法。
- (47) 有為法、無為法。46
- (48) 險法、非險法。
- (49) 有本法、無本法。
- ⁽⁵⁰⁾有出法、無出法。⁴⁷
- (51) 眾生法、非眾生法。 (52) 苦者法、非苦者法。
- - (2)《阿毘達磨品類足論》卷6〈6辯攝等品〉(大正26,714a15-16): 有見法云何?謂一處。 無見法云何?謂十一處。
- 4 (1)《阿毘達磨品類足論》卷6〈6辯攝等品〉(大正26,714a16-17): 有對法云何?謂十處。
 無對法云何?謂二處。
 - (2)《阿毘達磨俱舍論》卷 2〈1 分別界品〉(大正 29,7a13-15): 唯色蘊攝十界有對。對是礙義,此復三種:障礙、境界、所緣異故。 障礙有對,謂十色界。
- 45 (1)《眾事分阿毘曇論》卷 5〈6分別攝品〉(大正 26,649b20-22): 云何可見有對法?謂一入。 云何不可見有對法?謂九入。 云何不可見無對法?謂二入。
 - (2)《阿毘達磨品類足論》卷6〈6辯攝等品〉(大正26,716c19-21): 有見有對法云何?謂一處。 無見有對法云何?謂九處。 無見無對法云何?謂二處。
- 46 《阿毘達磨品類足論》卷6〈6辯攝等品〉(大正26,714a18-19): 有為法云何?謂十一處、一處少分。 無為法云何?謂一處少分。
- 47 (1)《眾事分阿毘曇論》卷 4〈6分別攝品〉(大正 26,649a14-15): 云何有出法?謂有為法。 云何非有出法?謂無為法。
 - (2) 參見《眾事分阿毘曇論》卷 6 〈6 分別攝品〉(大正 26,657b27-c1)。
- 48 (1)《眾事分阿毘曇論》卷 4〈6分別攝品〉(大正 26,648c21-23): 云何惱法?謂不善法及隱沒無記。 云何非惱法?謂善法及不隱沒無記。
 - (2)《阿毘達磨品類足論》卷 6〈6 辯攝等品〉(大正 26,715c17-20): **煩惱法**云何?謂若法是纏。

- (54) 有法、非有法。49
- (55) 逆法、非逆法。
- (56) 樂報法、非樂報法。50 (57) 苦報法、非苦報法。
- (58) 憶牛法、非憶牛法。
- (59) 智首行法、非智首行法。(60) 信首行法、非信首行法。
- (61) 思惟首行法、非思惟首行法。(62) 願首行法、非願首行法。
- (63) 色法、非色法。51
- (64)教法、非教法。
- (65) 變化法、非變化法。
- (66) 如意遊行法、非如意遊行法。
- (67) 欲本法、非欲本法。
- (68) 因善法、非因善(31b) 法。52 (69) 因善根法、非因善根法。

非煩惱法云何?謂若法非纏。

染污法云何?謂不善及有覆無記法。 **不染污法**云何?謂善及無覆無記法。

⁴⁹ 《阿毘達磨品類足論》 卷 6 〈 6 辯攝等品 〉 (大正 26,715a9):

有法云何?謂有漏法。

非有法云何?謂無漏法。

50 《舍利弗阿毘曇論》卷 7 〈非問分〉(大正 28,582b3-9):

云何樂報業?若業樂果,是名樂報業。

云何苦報業?若業苦果,是名苦報業。

云何非樂非苦報業?除樂報、苦報業,若餘業,是名非樂報非苦報業。

云何樂報業?若業善,有報,是名樂報業。

云何苦報業?若業不善,是名苦報業。

云何非樂非苦報業?除樂報、苦報業,若餘業,是名非樂非苦報業。

- 51 (1)《眾事分阿毘曇論》卷 4〈6分別攝品〉(大正 26,646c21-23): 云何色法?謂十種色入,及一入少分。 云何非色法?謂一入及一入少分。
 - (2)《阿毘達磨品類足論》卷6〈6辯攝等品〉(大正26,714a14-15): **有色法**云何?謂十處、一處少分。 無色法云何?謂一處、一處少分。
- ⁵² 《阿毘達磨品類足論》卷7〈6 辯攝等品〉(大正 26,719b19-23):

善為因法云何?謂善有為法及善法異熟。

不善為因法云何?謂欲界繫染污及不善法異熟。

無記為因法云何?謂無記有為及不善法。

非善為因、非不善為因、非無記為因法云何?謂無為法。

《十住毘婆沙論》講義

- (70) 定法、非定法。53
- (71) 身法、非身法。 (72) 口法、非口法。 (73) 意法、非意法。54
- ⁽⁷⁴⁾ 有對觸生法⁵⁵、非有對觸生法。 ⁽⁷⁵⁾ 意觸生法、非意觸生法。
- (76) 惡法、非惡法。 (77) 善法、非善法。56
- ⁽⁷⁸⁾能生法、非能生法。 ⁽⁷⁹⁾念念滅法、非念念滅法。⁵⁷
- (80)攝聚法58、非攝聚法。
- (81)明分法59、非明分法。
- ⁽⁸²⁾因法、非因法。^{60 (83)}緣法、非緣法。 ⁽⁸⁴⁾因緣法、非因緣法。⁶¹
- 53 《阿毘達磨品類足論》卷 6 (大正 26,716a28-b1):

定法云何?謂五無間業,及學無學法。

非定法云何?謂除五無間業,諸餘有漏及無為法。

54 (1)《眾事分阿毘曇論》卷 5 〈6 分別攝品〉(大正 26,647b8-10): 云何業法?謂身業、口業、思業。 云何非業法?謂除身、口業,若餘色;除思業,若餘行除*;餘受等三陰, 及無為。

**除=陰【宋】【元】【明】【宮】【聖】(大正 26,647d, n.8)

- (2)《阿毘達磨品類足論》卷6〈6辯攝等品〉(大正26,714c3-5): 業法云何?謂身、語業及思。 非業法云何?謂除身、語業,諸餘色;除思,諸餘行蘊;及三蘊全,并無 為法。
- 55 《阿毘達磨俱舍論》卷 10〈3分別世品〉(大正 29,52c5-6): 眼等五觸說名**有對**,以有對根為所依故。
- 56 《阿毘達磨品類足論》卷 6〈6 辯攝等品〉(大正 26,716c6-7): 養法云何?謂善五蘊及擇滅。

不善法云何?謂不善五蘊。

- 57 《大智度論》卷 80〈67 無盡方便品〉(大正 25,624b10): 是布施物,非定是樂因緣:或時得食腹脹而死,或時得財為賊所害,亦以得財物 故生慳貪心而墮餓鬼中;又此財物有為相故;念念生滅無常;生苦因緣。
- 58 《阿毘達磨俱舍釋論》卷1〈1分別界品〉(大正29,165a23-25): 隨所有色,若過去、未來、現在,若內、若外,若麁、若細,若鄙、若美,若遠、 若近,此一切色攝聚一處,說名色陰。
- 59 《舍利弗阿毘曇論》卷 16〈非問分〉〈10 道品〉(大正 28,637b1-5): 何謂**六明分法**?如世尊說:「六法親近多修學,生明得明分,能令明廣大。」 何謂六?無常想、無常苦想、苦無我想、食不淨想、一切世間不樂想、死想。
- 60 《阿毘達磨品類足論》卷 6 〈6 辯攝等品〉(大正 26,715c4-7):

緣起法云何?謂有為法。

非緣起法云何?謂無為法。

緣已生、非緣已生法,**因法、非因法**,有因法、非有因法,因已生法、非因已生 法亦爾。

- ⁽⁸⁵⁾ 因生法、非因生法。⁶² ⁽⁸⁶⁾ 有因法、非有因法。⁶³
- (87) 一法、異法。
- (88) 滅法、非滅法。64
- (89)攝根法、非攝根法。65
- (90) 共心法、非共心法。66
- (91) 心法、非心法。^{67 (92)} 心數法、非心數法。⁶⁸
- 61 (1)《阿毘達磨品類足論》卷 6 〈6 辯攝等品〉(大正 26,716b15-17): 因緣法云何?謂一切法。

非因緣法云何?謂如是法求不可得,以一切法是因緣故。

- (2) 案: 與第11項相同。
- 62 《阿毘達磨品類足論》 卷 6 〈 6 辯攝等品 〉 (大正 26,715c4-7):

緣起法云何?謂**有為法**。

非緣起法云何?謂無為法。……

因已生法、非因已生法亦爾。

- 63 《阿毘達磨品類足論》卷 6〈6 辯攝等品〉(大正 26,715c4-7):
 - 緣起法云何?謂有為法。

非緣起法云何?謂無為法。……

有因法、非有因法,因已生法、非因已生法**亦爾**。

- 64 《阿毘達磨品類足論》卷 6 〈6 辯攝等品〉(大正 26,715b29-c4):
 - 已滅法云何?謂過去法。

非已滅法云何?謂未來、現在及無為法。

正滅法云何?謂若法現在現前正滅。

非正滅法云何?謂除現在現前正滅法諸餘現在及過去、未來,并無為法。

65 《阿毘達磨品類足論》 卷 6 〈 6 辯攝等品 〉 (大正 26,716b3-5):

根法云何?謂內六處及法處所攝根法。

非根法云何?謂外五處及法處所攝非根法。

- ※案:「法處所攝根法」或指二十二根中的「命根,樂根、苦根、喜根、憂根、 捨根,信根、精進根、念根、定根、慧根。未知當知根,已知根,具知根」等。
- 66 (1)《眾事分阿毘曇論》卷 5 〈6 分別攝品〉(大正 26,647a9-11):

云何心共有法?謂若心共有十一入少分,除意入。

云何非心共有法? 謂意入, 若非心共有十一入少分。

- (2)《阿毘達磨品類足論》卷 6 〈6 辯攝等品〉(大正 26,714a29-b2): 心俱有法云何?謂心俱有十一處少分,除意處。
 - 非心俱有法云何?謂意處,及非心俱有十一處少分。
- (3)《舍利弗阿毘曇論》卷 21〈攝相應分〉(大正 28,665a1-4): 何謂共心法?若法隨心轉,共心生、共住、共滅,是名共心法。 何謂不共心法?若法不隨心轉,不共心生、不共住、不共滅,是名不共心 法。
- 67 《阿毘達磨品類足論》卷 6〈6 辯攝等品〉(大正 26,714a23):

《十住毘婆沙論》講義

- ⁽⁹³⁾共觸五法⁶⁹、非共觸五法。.⁽⁹⁴⁾共得十六法⁷⁰、非共得十六法。
- (95) 細法、麁法。71
- (97) 善法、不善法、無記法。72
- (98) 見諦所斷法、思惟所斷法、不斷法。73
- (99) 學法、無學法、非學非無學法等,74

心法云何?謂一處。

非心法云何?謂十一處。

⁶⁸ 《阿毘達磨品類足論》卷 6 〈6 辯攝等品〉(大正 26,714a23-26):

心所法云何?謂若法與心相應。此復云何?謂受蘊、想蘊、相應行蘊。

非心所法云何?謂若法心不相應。此復云何?謂色、心、心不相應行、無為。

- ⁶⁹ (1) 共觸五法:可能指「觸、作意、受、想、思」。待考。
 - (2)《舍利弗阿毘曇論》卷 26 (大正 28,687c14-16): 由憶想假稱生受、想、思、觸、思惟,是謂名。 復次,觸首五法——受、想、思、觸、思惟,是謂名。
- 70 (1) 案:共「得」十六法,待考。
 - (2)參見《阿毘曇甘露味論》卷2〈16雜品〉(大正28,979b28-c3): 云何不相應法?得等十七法。十七法者,一、成就,二、無想定,三、滅 盡定,四、無想處,五、命根,六、種類,七、處得,八、物得,九、入 得,十、生,十一、老,十二、住,十三、無常,十四、名眾,十五、字
- 71 案:與第13項相同。
- ⁷² 《阿毘達磨品類足論》卷 6 〈 6 辯攝等品 〉 (大正 26,716c6-8):

善法云何?謂善五蘊及擇滅。

不善法云何?謂不善五蘊。

無記法云何?謂無記五蘊及虚空、非擇滅。

眾,十六、味眾,十七、凡夫性。

⁷³ 《阿毘達磨品類足論》卷 6〈6 辯攝等品〉(大正 26,716c10-16):

見所斷法云何?謂若法隨信、隨法行現觀邊忍所斷。此復云何?謂見所斷八十八 隨眠及彼相應法,并彼等起心不相應行。

修所斷法云何?謂若法學見迹修所斷。此復云何?謂修所斷十隨眠及彼相應法,若彼等起身語業、若彼等起心不相應行、若不染污有漏法。

非所斷法云何?謂無漏法。

⁷⁴ (1)《阿毘達磨品類足論》卷 6 〈6 辯攝等品〉(大正 26,716c8-10):

學法云何?謂學五蘊。

無學法云何?謂無學五蘊。

非學非無學法云何?謂有漏五蘊及無為法。

(2)《瑜伽師地論》卷 66 (大正 30,668a11-19):

云何**學法**?謂或預流、或一來、或不還有學補特伽羅;若出世有為法、若世間善法,是名學法。何以故?依止此法於時時中,精進修學增上戒學、

無量千萬種諸法,皆令入空、無相、無作門,⁷⁵平等無二,以信解力故。 是第六願。

(柒)第七願——淨佛土願

復次,願淨佛土故,滅除諸雜惡。⁷⁶

增上心學、增上慧學故。

云何**無學法**?謂阿羅漢諸漏已盡,若出世有為法、若世間善法,是名無學 法。

云何非學非無學法?謂除先所說學、無學法,所餘預流乃至阿羅漢法;若 墮一切異生相續,若彼增上所有諸法,當知是名非學非無學法。

75 (1)《摩訶般若波羅蜜經》卷5〈19廣乘品〉(大正8,254c13-19): 復次,須菩提!菩薩摩訶薩摩訶衍,所謂三三昧。何等三?空、無相、無作三昧。

空三昧名諸法自相空,是名空解脫門。

無相名壞諸法相不憶不念,是名無相解脫門。

無作名諸法中不願作,是名無作解脫門。

是名菩薩摩訶薩摩訶衍,以不可得故。

- (2)《摩訶般若波羅蜜經》卷 24〈79 善達品〉(大正 8,399a19-22): 一切善法皆入三解脫門。何以故?一切法自相空,是名空解脫門;一切法 無相,是名無相解脫門;一切法無作無起相,是名無作解脫門。
- (3)《大智度論》卷 89〈79 善達品〉(大正 25,692a8-9): 三解脫門近涅槃,亦能攝一切實善法,是故說菩薩應學。
- (4)《大智度論》卷 20 〈1 序品〉(大正 25, 207c4-15):

是三解脫門,摩訶衍中是一法,以行因緣故,說有三種:觀諸法空是名「空」; 於空中不可取相,是時空轉名「無相」;無相中不應有所作為三界生,是時 無相轉名「無作」。

譬如城有三門,一人身不得一時從三門入,若入則從一門。諸法實相是涅槃城,城有三門:空、無相、無作。若人入空門,不得是空,亦不取相,是人直入,事辦故,不須二門。若入是空門,取相得是空,於是人不名為門,通塗更塞。若除空相,是時從無相門入。若於無相相心著、生戲論,是時除取無相相,入無作門。

- ⁷⁶ (1)《十住經》卷 1 〈1 歡喜地〉(大正 10,501b18-23):
 - 又,以一切佛土入一佛土、一佛土入一切佛土,一一佛土無量光明莊嚴、 離諸垢穢、具足清淨道,有無量智慧眾生悉滿其中,常有諸佛大神通力, 隨眾生心而為示現,發如是大願,廣大如法性、究竟如虛空,盡未來際、 盡一切劫清淨如是國土,無有休息。
 - (2)《大方廣佛華嚴經》卷 34〈26十地品〉(大正 10,182a9-15): 又發大願:「願一切國土入一國土,一國土入一切國土,無量佛土普皆清淨, 光明眾具以為莊嚴,離一切煩惱,成就清淨道,無量智慧眾生充滿其中,

一、釋雜惡不淨之內容

(一) 廣說

1、三不善業

殺生、偷盜、邪婬,妄語、兩舌、惡□、綺語,貪、恚、邪命、飲酒等, 有如是惡;名為不淨。

2、三種惡趣

復次,國十中有地獄、畜牛、餓鬼等諸惡道,名為不淨。

3、心性不淨

復次,眾生無信、懈怠、亂心、愚癡、諂曲、慳嫉、忿恨重、邪見; 慢、憍慢⁷⁷、大慢⁷⁸、我慢、邪慢。⁷⁹

矯異、自親、激動、(31c)抑揚、因利求利。80

普入廣大諸佛境界,隨眾生心而為示現,皆令歡喜,廣大如法界,究竟如 虚空,盡未來際一切劫數,無有休息。」

(3)《佛說十地經》卷 1〈1 菩薩極喜地〉(大正 10,539a12-18): 為令一切諸佛剎土,復一剎土入於一切諸佛剎土,普皆清淨,無量佛剎光 明嚴具以為莊飾,離諸煩惱成清淨道,無量智性有情充滿,普入廣大諸佛 境界,隨諸有情意樂示現皆令歡喜,廣大法界、盡虛空性、窮未來際一切

劫數及佛剎數,無有休息,為飾一切諸佛剎土發第七大願。

 77 《十住毘婆沙論》卷 12〈26 譬喻品〉(大正 26,89c27-28):

於與己等中勝而心自高,名為憍慢。

⁷⁸ 《十住毘婆沙論》卷 12〈26 譬喻品〉(大正 26,89c26-27): 自謂我於勝人中勝,名為大慢。

79 參見《大毘婆沙論》卷 43 (大正 27, 225c13-24):

慢有七種:一、慢,二、過慢,三、慢過慢,四、我慢,五、增上慢,六、卑慢, 七、邪慢。

慢者,於劣謂己勝,或於等謂己等。由此起慢、已慢、當慢,心舉恃、心自取。

過慢者,於等謂己勝,或於勝謂己等。由此起慢廣說如前。

慢過慢者,於勝謂己勝。由此起慢廣說如前。

我慢者,於五取蘊謂我、我所。由此起慢廣說如前。

增上慢者,於勝功德未得謂得,未獲謂獲,未觸謂觸,未證謂證。由此起慢廣說 如前。

卑慢者,於他多勝謂己少劣。由此起慢廣說如前。

邪慢者,實自無德謂己有德。由此起慢廣說如前。

⁸⁰ 矯異、自親、激動、抑揚、因利求利為五邪命法,參見《大毘婆沙論》卷 2〈4 淨地品〉(大正 26, 29b8-c8)。 貴於世樂,放逸自恣81,多欲、惡欲,邪貪82、邪婬。

不識父母、沙門、婆羅門。83

不忍辱、破威儀、難與語84、邪覺觀85。

貪欲、瞋恚、睡眠、調戲、疑⁸⁶所覆蔽,名為不淨。⁸⁷

若人獨處為惡不羞,是名無慚。此人於後惡心轉增,眾中為惡亦無所恥,是名無愧。失善法本二白法故,常隨惡法是名放逸。以成就此三惡法故,不受所尊師長教悔^{**},名無恭敬;**反悷師教,名難與語**。如是則遠離師長,親近惡人,名習惡知識。於此中,從無慚生無恭敬,**從無愧生難與語**,從放逸生習惡知識。

※悔=誨【宋】【元】【明】【宮】。(大正 32, 357d, n.17)

85 (1)《大智度論》卷 39〈4 往生品〉(大正 25,346a3-4):

三惡覺,所謂欲覺、瞋覺、惱覺名為麁;親里覺、國土覺、不死覺名為細。

(2)[隋] 慧遠撰,《大乘義章》卷5〈八種惡覺義〉(大正44,574c1-14):

八惡覺之義出《地持論》。邪心思想名之為覺,覺違正理故稱為惡。惡覺不同,離分有八。八名是何?一是欲覺,二是瞋覺,三名害覺,四親里覺, 五國土覺,六不死覺,七族姓覺,八輕侮覺。

思量世間可貪之事而起欲心,名為欲覺。

思量世間怨憎之事而起瞋心,名為瞋覺,亦名恚覺。

念知打罵乃至奪命,名為害覺,亦名惱覺。

追憶親戚,名親里覺。念世安危,名國土覺。

謂身不死,為積眾具,名不死覺;又積眾具,資身令活,亦名不死覺。

思念氏族,若高若下,名族姓覺。

念陵他人,名輕侮覺,侮猶慢也。

此八猶是修道四使:欲、親、國土,**貪分攝**;瞋、害二覺,是**瞋分攝**;不 死覺者,是**癡分攝**;族姓、輕侮,是**慢分攝**。八覺如是。

- 86 疑+ (悔)【宋】【元】【明】【宫】。(大正 26,31d,n.6)
- 87 (1)《雜阿含經》卷 24 (611 經)(大正 2, 171c1-4): 云何不善聚?不善聚者,所謂五蓋,是為正說。所以者何?純一逸滿不善 聚者,所謂五蓋。何等為五?謂貪欲蓋、瞋恚蓋、睡眠蓋、掉悔蓋、疑蓋。
 - (2)《增壹阿含經》卷 24〈32 善聚品〉(2)(大正 2,674a14-17): 彼云何名為不善聚?所謂五蓋。云何為五?貪欲蓋、瞋恚蓋、睡眠蓋、調 戲蓋、疑蓋,是謂名為五蓋。

⁸¹ 自恋:放縱自己,不受約束。(《漢語大詞典》(八), p.1324)

^{82 《}大智度論》卷 34〈1 序品〉(大正 25,312c23-27): 貪欲有二種:一者、邪貪欲,二者、貪欲。瞋恚有二種:一者、邪瞋恚,二者、 瞋恚。愚癡有二種:一者、邪見愚癡,二者、愚癡。**是三種邪毒眾生難可化度, 餘三易度**。

^{83 《}雜阿含經》卷 16 (442 經)(大正 2,114b13-20);《瑜伽師地論》卷 44 〈17 菩提分品〉(大正 30,538a9-14)。

^{84 《}成實論》卷 14〈186 定難品〉(大正 32,357c8-15):

4、諸災苦惱

復次,惡鳥獸、多怨賊,無水漿、飢饉災疫⁸⁸,人畏、非人畏,內反逆⁸⁹、 外⁹⁰賊寇,若多雨、若亢旱⁹¹、諸衰惱、小劫盡諸苦惱等,名為不淨。

5、報身及眷屬劣弱

復次,眾生短命、惡色⁹²、無力、多諸憂苦,少膽幹⁹³、多疾病,少威力、 少眷屬、惡眷屬、易壞眷屬,小居家、儜劣⁹⁴、邪出家,名為不淨。

6、邪見、邪行

復次,僧佉95、榆伽96、憂樓迦王97、那波羅他、毘佉那、蓱莎王,

那吉略仙人、象仙人、斷婬人、

上弟子行者、放羊者、大心者、忍辱者、喬曇摩、鳩蘭陀磨⁹⁸、活人者、 度人者、緣⁹⁹水者、

婆羅沙伽那、頗羅墮閣100,

著衣者、無衣者、韋索衣者101、皮衣者、草衣者、著下衣者、角鴟102毛

88 災疫:指疫癘這種災禍。(《漢語大詞典》(七), p.33)

惡色者,有人身色枯乾羸瘦,人不喜見;若在大眾,則亦有畏。

古昔有勝王,名迦蘭陀摩,端坐起慈心,能伏大怨敵。

雖王四天下,名稱財利豐,終歸亦皆盡,如牛飲飽歸。

⁸⁹ 反逆: 2.叛逆,謀反。(《漢語大詞典》(二), p.862)

⁹⁰ 外+(多)【宋】【元】【明】【宫】。(大正 26,31d,n.7)

⁹¹ 亢旱:大旱。(《漢語大詞典》(二), p.300)

^{92 《}大智度論》卷 25 〈1 序品〉(大正 25, 243a12-13):

⁹³ 膽幹:膽略和才幹。(《漢語大詞典》(六), p.1390)

⁹⁴ 儜(3-Lィ)劣:懦怯庸劣。(《漢語大詞典》(一), p.1719)

⁹⁵ 案:「僧佉」(Sāṃkhya),即數論學派。

⁹⁶ 案:「榆伽」(yoga),同「瑜伽」,為印度六派哲學之一。

⁹⁷ 案:「憂樓迦王」(Ulūka),又作「優樓佉、優樓迦」,印度六派哲學中勝論派之 創始者。

⁹⁸ 參見《佛所行讚》卷 5 〈28 分舍利品〉(大正 4,53a7-11):

⁹⁹ 緣=經【宋】【元】【宮】。(大正 26,31d,n.10)

¹⁰⁰ 頗羅墮: 梵名 Bharadvāja。為印度古代婆羅門六姓之一,或婆羅門十八姓之一。 意譯利根仙人、辯才、滿、滿正。又作頗羅吒。(《佛光大辭典》(六), p.5949.2)

¹⁰¹ (1) 韋 (メヘィ): 2.皮繩。(《漢語大詞典》(十二), p.674)

⁽²⁾ 索:1.粗繩。泛指繩索。(《漢語大詞典》(九), p.746)

^{102 (1)} 角鴟:鴟鵂的別名。其狀如鴟,頭有毛角,故稱。又稱貓頭鷹。(《漢語大詞典》(十),p.1353)

⁽²⁾ 鴟(4):1.鳶屬。鷂鷹。2.貓頭鷹的一種。(《漢語大詞典》(十二), p.1081)

衣者、木皮衣者,103

三洗者104,隨順者、

事¹⁰⁵梵王者、事究摩羅¹⁰⁶者、事毘舍闍¹⁰⁷者、事金翅鳥者、事乾闥婆¹⁰⁸者、 事閻羅王者、事毘沙門王¹⁰⁹者、事密跡神¹¹⁰者、事浮陀¹¹¹神者、事龍者,

裸形沙門、白衣沙門、染衣沙門,末迦梨112沙門、

毘羅哆子113者、迦旃延尼子114者、薩耆遮子者,

爾時比丘著草衣,往佛所白言:「此是頭陀端嚴法,願佛聽。」

佛言:「不應著!此是外道法,若著如法治。如是衣,若草衣、裟婆草衣、樹皮衣、樹葉衣、珠瓔珞衣,如是一切衣不得畜,若畜如法治。」

- 104 三洗者,參見《十住毘婆沙論》卷13〈26 譬喻品〉(大正26,91a9-14): 外道苦行等諸難,所謂灰身、入氷、拔髮,日三洗,翹一足,日一食、二日一食, 乃至一月一食、默然至死。常舉一臂常行忍辱,五熱炙身臥刺蕀上,入火入水自 投高巖,深爐中立、牛屎燒身,直趣一方不避諸難。常著濕衣裳,水中臥等。
- ¹⁰⁵ 事:13.侍奉。15.謂從師求學。(《漢語大詞典》(一), p.544)
- 106 (1) 案:「究摩羅」或作「俱摩羅、俱摩利」。
 - (2)俱摩羅天:俱摩羅, 梵名 Kumāra。意譯為童子。又作鳩摩羅天、鳩摩羅伽 天、拘摩羅天。護世二十天之一,即初禪梵王,其顏如童子,故有此名。(《佛 光大辭典》(五), p.4036.2)
- 107 毘舍遮鬼:毘舍遮,梵名 Piśāca。又作畢舍遮鬼、臂奢柘鬼。意譯食血肉鬼、噉人精氣鬼、癲狂鬼、吸血鬼。原為印度古代神話中之魔鬼,其腹如滄海,咽喉如針,常與阿修羅、羅剎並提,佛教中之餓鬼即源於此。此鬼噉食人之精氣、血肉,乃餓鬼中之勝者。(《佛光大辭典》(四),p.3851.2)
- ¹⁰⁸ 案:「乾闥婆」(gandharva),譯為香陰,以香為食,是帝釋天之音樂神。(參見《佛光大辭典》(一),p.295.3,「八部鬼眾」條目)
- 109 案:「毘沙門王」,四天王之一的北方多聞天王。
- 110 案:「密跡神」即「密跡金剛力士」。參見《增壹阿含經》卷 30〈37 六重品〉(10 經)(大正 2,716a5-9):

是時,尼健子默然不報。世尊再三問之,彼亦再三默然不報。是時,密跡金剛力士手執金剛之杵,在虚空中而告之曰:「汝今不報論者,於如來前破汝頭作七分。」

- 111 (1)參見《大智度論》卷 30〈1序品〉(大正 25,280a10-11): 如阿修羅、甄陀羅、乾沓婆、鳩繫茶、夜叉、羅剎、**浮陀**等大神是天。
 - (2)《翻梵語》卷7(大正54,1029c1):浮陀(亦云部陀,亦云浮泰;譯曰已生,亦云大身)。
- 112 (1) 案:「末迦梨」,又作「末伽梨拘舍梨」,為六師外道之一。
 - (2) 末伽梨拘舍梨(巴 Makkhali Gosāla),宿命論之自然論者。主張苦樂不由 因緣,而惟為自然產生。係阿耆毘伽派之主導者。(參見《佛光大辭典》(二), pp.1282.2-1282.3,「六師外道」條目)

^{103 《}四分律》卷 40 (大正 22,858b16-20):

持牛戒115者、鹿戒者、狗戒者、馬戒者、象戒者、

乞戒者、究摩羅戒者、諸天戒者、上戒者、婬欲戒者、淨潔戒者、火¹¹⁶戒者, ¹¹⁷

說**色**滅涅槃者、說**聲**滅涅槃者、說**香**滅涅槃者、說**味**滅涅槃者、說**觸**滅 涅槃者、說**覺觀**滅涅槃者、說**喜**滅涅槃者、說**苦樂**滅涅槃者,

水衣118為鬘者、水淨119者、食淨者、牛淨者,

- 113 (1) 案:「毘羅哆子」可能是六師外道之一的「珊闍耶**毘羅胝子**」。
 - (2) 六師外道:又作外道六師。古印度佛陀時代,中印度(恒河中流一帶)勢力較大之六種外道。外道,係以佛教立場而言,實為當時反對婆羅門思想之自由思想家,而在一般民眾社會中所流行之思想體系。凡六種,即:
 - (一)珊闍耶**毘羅胝子**(巴 Sañjaya Belaṭṭhiputta),懷疑論者。不承認認知 有普遍之正確性,而主張不可知論,且認為道不須修,經八萬劫自 然而得。
 - (二)阿耆多翅舍欽婆羅(巴 Ajita Kesakambala),唯物論、快樂論者。否認因果論,乃路伽耶派之先驅。
 - (三)末伽梨拘舍梨(巴 Makkhali Gosāla),宿命論之自然論者。主張苦樂不由因緣,而惟為自然產生。係阿耆毘伽派之主導者。
 - (四)富蘭那迦葉(巴 Purāṇa Kassapa),無道德論者。否認善、惡之業報。
 - (五)迦羅鳩馱迦旃延(巴 Pakudha Kaccāyana),無因論之感覺論者。認 為地、水、火、風、空、苦樂、靈魂為獨立之要素。
 - (六)尼乾陀若提子(巴 Nigantha Nātaputta),耆那教之創始人。主張苦樂、罪福等皆由前世所造,必應償之,並非今世行道所能斷者。(《佛光大辭典》(二),p.1282.2-1282.3)
- 114 尼子=尼揵子【宋】【元】【宮】,=尼犍子【明】。(大正 26,31d,n.11)
- 115 持牛戒:印度苦行外道中之牛狗外道,認為人乃由前世牛狗中而來,或以為牛狗 死後可生天上,故持牛戒、狗戒,齕草噉污,唯望生天,以執此苦行為得果之因。 《百論疏》卷上(大正 42,247c):「持牛戒者,如《俱舍論》說,合眼低頭, 食草以為牛法。」(《佛光大辭典》(四),p.3816.1)
- 116 明註曰「火」,南藏作「失」。(大正 26,31d,n.12)
- 117 《長阿含經》卷 19〈5 龍鳥品〉(30 經)《世記經》(大正 1,128a11-17): 若有眾生奉持狗戒,或持牛戒,或持鹿戒,或持癌戒,或持摩尼婆陀戒,或持火 戒,或持月戒,或持日戒,或持水戒,或持供養火戒,或持苦行穢汙法,彼作是 念:「我持此癌法、摩尼婆陀法、火法、日月法、水法、供養火法、諸苦行法, 我持此功德,欲以生天。」此是邪見。
- 118 (1)《一切經音義》卷 31 (大正 54,515b23): 苔衣(上代來反,顧野王云:綠色生水底也。《說文》:水衣也,從艸,台聲, 亦作若)。

執杵臼者、打石者、喜洗者,浮沒者、空地住者、臥刺蕀者, 世性者¹²⁰、大者、(32a) 我者,

- (2) 水衣:1.青苔,蒼苔。(《漢語大詞典》(五),p.860)
- (1) 印順法師,《華雨集》(第二冊), pp.188-189: 「大乘佛法」的六時懺悔,是世俗迷妄行為的淨化:業,淨除惡業,是印度神教所共信的。有被稱為「水淨婆羅門」的,以為在(特定的)水中洗浴,可以使自己的眾惡清淨。
 - (2) 印順法師,《華雨集》(第二冊), p.190: 印度的「水淨」者, 卻是時常洗浴求淨的。如《方廣大莊嚴經》說:「或一日一浴, 一日二浴, 乃至七浴。」每天多次洗浴, 是為了淨除諸惡而達到解脫。
- 120 (1) 參見《金七十論》卷上 (大正 54,1250b28-c13):

自性次第生,大、我慢十六,十六內有五,從此生五大。

「**自性次第生**」者**,自性**者,或名勝因,或名為梵,或名眾持。若次第生者,自性本有故則無所從生。

自性先生**大**,大者或名**覺**,或名為想,或名遍滿,或名為智,或名為慧, 是大即於智故,大得智名。

大次生我慢,我慢者或名五大初,或名轉異,或名焰熾。

「慢次生十六」,十六者,一五唯,五唯者,一、聲,二、觸,三、色,四、味,五、香。是香物唯體唯能。

次**五知根**,五知根者,一、耳,二、皮,三、眼,四、舌,五、鼻。 次**五作根**,五作根者,一、舌,二、手,三、足,四、男女,五、大遺。 次**心根**。是十六從我慢生,故說「大我慢十六」。

復次,「十六內有五,從此生五大」。十六有五唯,五唯生五大:聲唯生空 大,觸唯生風大,色唯生火大,味唯生水大,香唯生地大。

(2) 二十五諦:(梵 pañcaviṃśati-tattvāni),印度哲學用語。為數論派的主要理論。亦即該派為顯示萬物(尤其是個我)轉變之過程,所設立的二十五種真理。此即:自性、覺、我慢、五知根、五作根、心根、五唯、五大、神我等。此中,五知根、五作根、五唯、五大等四類各具五種,故為二十諦,加上其餘的五諦,則成二十五之數。茲略釋此二十五諦如次:神我,是以知、思為體的不變不動的精神性原理,亦即獨存的見者(draṣṭṛ)、非作者(akartr)。

自性,又稱作非變異或勝因,是物質性的原理;由純質、激質、翳質等三 德構成。

上列二者係宇宙生成之根本原理,二者一旦結合,自性依神我之知,三德 失去平衡,遂生二十三諦。其次第如下所述:

首先生覺,從覺生我慢,我慢生十一根 (五知根、五作根、心根),又生五

《十住毘婆沙論》講義

色等者、聲等者、香等者、味等者、觸等者、

地知者、水知者、火知者、風知者、虚空知者、

和合知者、變知者、

眼知者、耳知者、鼻知者、舌知者、身知者、意知者、神知者、

如是等在家、出家,種種邪見、邪行,名為不淨。

7、國土貧惡

復次,其地高下,坑坎121埠122阜123,榛叢124刺蕀125,多所妨閡126。

唯,五唯生五大。此中,覺,又稱作「大」,指知覺彼此的決智;於此「覺」中,含有法、智慧、離欲、自在、非法、非智、愛欲、不自在等八分。前四分係原質之相,若增長之,則得解脫;後四者係翳質之相,若增長之,則漸次向下墮落而生出我慢等。

我慢者,即我執之謂,此有變異我慢、大初我慢、焰熾我慢等三種。變異我慢者,依原質增長所生,能生十一根;大初我慢者,依翳質增長所生,能生五唯、五大;焰熾我慢者,依激質增長所生,能生十一根與生五唯、五大兩種。五唯者,謂有生五大功能的純粹無雜之原質,即聲、觸、色、味、香等五種。此中,聲唯能生空大,觸唯生風大,色唯生火大,味唯生水大,香唯生地大。

十一根者,謂耳、皮(身)、眼、舌、鼻等**五知根**與語、手、足、男女(生殖器)、大遺(排泄器)等**五作根以及心根**。

此中,五知根,謂能取五者,即耳根取聲,皮根取觸,眼根取色,舌根取味,鼻根取香;五作根,謂能作諸事者,即舌根作語言,手根作執持,足根作行步,男女根作戲樂及繁殖,大遺根除棄糞穢。

心根以能分別為體,有二類,即與知根相應者,名為知根;與作根相應者, 名為作根。

此外,此二十五諦若就變異之有無而分別,則第一之自性唯本非變異,第二十五之神我非本非變異,中間之二十三諦皆為變異。不過,覺、我慢及五唯等七諦既是本,也是變異;十一根及五大等十六諦則唯有變異,非為本。[參考資料]《金七十論》卷上。(《中華佛教百科全書》(二),pp.157.3-158.2)

- 121 坑坎: 高低不平。(《漢語大詞典》(二), p.1062)
- - (2) 埠 (ケメヽ): 1.碼頭。2.有碼頭的城鎮。(《漢語大詞典》(二), p.1129)
 - (3) 塠(カメへ):同"堆。"(《漢語大字典》(一), p.465)
 - (4) 堆:1.斤阜。(《漢語大詞典》(二), p.1127)
- 123 阜(Cメヽ): 土山。(《漢語大詞典》(十一), p.908)

塵土全¹²⁷穢,泥潦¹²⁸臼¹²⁹陷,惡山巉巖¹³⁰,屈曲隈¹³¹障。重嶺¹³²隔塞,峻峭¹³³難上。鹹鹵¹³⁴乾燥,沙礫瓦石;眾果少味,色香不具;藥草不良,勢力薄少。少有妙色、聲、香、味、觸。

園林樓閣、流水浴池、小山土嶺、登緣135遠望、娛樂之處,皆悉尟136少。

8、聚落無福

郡縣聚落,不相接近,地多丘荒137,人民希少。

多見無福、貧窮、下劣諸城。

宰牧 138 、大官、貴人、諸賈客主,巧匠 139 、工師 140 、學讀之人,亦復甚 141 。

衣服、臥具、醫藥,便142身之具,甚為難得,雖得非妙,名為不淨。

- 124 (1) 榛(**υり**): 1.果木名。落葉灌木或小喬木,葉子互生,圓卵形或倒卵形, 春日開花,雌雄同株,雄花黃褐色,雌花紅紫色,實如栗,可食用或榨油。 2.草木叢生貌。亦以形容荒廢,衰敗。
 - (2) 榛叢:亦作「榛藂」。叢生的草木。(《漢語大詞典》(四), p.1201)
- 125 棘(リーノ):〔顛蕀〕百合科攀援草本植物,天門冬的別名。《爾雅·釋草》: "髦, 顛蕀。"郭璞注:"細葉有刺,蔓生,一名商蕀。《廣雅》云:'女木也。'" (《漢語大字典》(四),p.3289)
- ¹²⁷ 坌(**クりヽ**):1.塵埃。2.謂塵埃飛揚。3.塵埃等粉狀物粘著於他物。(《漢語大詞典》(二),p.1055)
- ¹²⁸ 潦 (**匆幺∨**): 雨水大貌。亦指雨後的大水。(《漢語大詞典》(六), p.128)
- ¹²⁹ 臼:1.舂米器。3.泛稱搗物的臼狀容器。(《漢語大詞典》(八), p.1287)
- 130 (1) 巉 (イワノ): 1. 險峻陡峭。2. 嶙峋突兀。(《漢語大詞典》(三), p.876)
 - (2) 巉巖: 險峻的山巖。(《漢語大詞典》(三), p.876)
- ¹³¹ 隈(メへ): 1.山水彎曲隱蔽處。2.山邊。(《漢語大詞典》(十一),p.1077)
- 132 重嶺:重疊起伏的山嶺。(《漢語大詞典》(十), p.399)
- 133 峻峭:高聳,陡峭。(《漢語大詞典》(三), p.825)
- 134 鹹鹵:1.鹽鹼。唐 玄奘,《大唐西域記·跋祿羯呫婆國》:"土地鹹鹵,草木稀疏。"3.土地瘠薄。(《漢語大詞典》(十二),p.1029)
- ¹³⁵ 登緣:猶攀登。(《漢語大詞典》(八), p.537)
- ¹³⁶ 尟(T-9v):同" 鮮"。少。(《漢語大詞典》(五), p.781)
- 137 丘荒:1.空曠,荒涼。2.荒野,廢墟。(《漢語大詞典》(一),p.512)
- 138 宰牧:1.宰相與州牧的並稱。泛指治民的官吏。(《漢語大詞典》(三), p.1498)
- 139 巧匠:技藝精巧的工匠。(《漢語大詞典》(二), p.968)
- 140 工師:1.古官名。上受司空領導,下為百工之長。專掌營建工程和管教百工等事。 2.工匠。(《漢語大詞典》(二),p.955)
- ¹⁴¹ 少+(飲食)【宋】【元】【明】【宮】。(大正 26,32d,n.5)
- ¹⁴² 便(ケー**ラヽ**):1.有利。6.適合,適宜。(《漢語大詞典》(一),p.1360)

(二) 略說

不淨略說有二種:一、以**眾生因緣**,二、以**行業因緣**。

眾生因緣者,眾生過惡故。

行業因緣者,諸行過惡故。

此二事上已說。143

(三)結成

轉此二事,則有**眾生功德、行業功德**,此二功德名為**淨土。**是淨國土,當知隨諸菩薩本願因緣,諸菩薩能行種種大精進故,所願無量不可說盡,是故今但略說,開示事端¹⁴⁴。其餘諸事,應如是知。

二、釋十種淨土相

(一) 略說淨土相

略說淨土相,所謂⁽¹⁾ 菩薩⁽⁴⁾ 善得阿耨多羅三藐三菩提,⁽²⁾ 佛功德力,⁽³⁾ 法具足,⁽⁴⁾ 聲聞具足,⁽⁵⁾ 菩提樹具足,⁽⁶⁾ 世界莊嚴,⁽⁷⁾ 眾生善利,⁽⁸⁾ 可度者多,⁽⁹⁾ 大眾集會,⁽¹⁰⁾ 佛力具足。

(二)詳釋

1、釋「善得菩提」——十事莊嚴

(1) 總標

善得菩提者,以十事莊嚴:一、離諸苦行,二、無厭劣心,三、速疾得,四、無求外道師,五、菩薩具足,六、無有魔怨,七、無諸留難,八、諸天大會,九、希有事具足,十、時(32b)具足。

(2)別釋

- (1) **離諸苦行**者,若菩薩為阿耨多羅三藐三菩提出家,不行諸苦行,所謂若四日、若六日、若八日、若半月、若一月,乃至食一麻、一米、一果;或但飲水,或但服氣。不以如是苦行求道,**安坐道場而成佛道**。
- ⁽²⁾無**厭**¹⁴⁶**劣心**者,若菩薩少得厭離心,即時出家。

¹⁴³ 參見《十住毘婆沙論》卷 3〈5 釋願品〉(大正 26,31b25-c10)。

¹⁴⁴ 事端:1.事情的原由,事情的真相。(《漢語大詞典》(一), p.553)

^{145 (}菩薩) - 【宋】【元】【明】【宮】。(大正 26,32d, n.6)

¹⁴⁶ 厭:4.滿足。(《漢語大詞典》(一), p.940)

- (3) 速疾得者,若菩薩出家已,即得阿耨多羅三藐三菩提。
- (4) **不求外道師**者,若菩薩出家已,時有外道大師有名稱者,不往諮求¹⁴⁷:「汝等說何法?論何事?以何為利?」亦不於四方求索。
- (5) **菩薩具足**者,菩薩欲成佛道時,三千大千世界中諸菩薩,及他方諸菩薩,各持供養,具來圍繞已。待佛成道,放大光明,各共供養,從佛聞法,皆是不退轉、一生補處。
- (6)**無魔怨**者,若菩薩垂¹⁴⁸成佛時,無有魔軍能來破者。
- (7)**無諸留難**149者,菩薩垂成佛時,乃至無有毫釐煩惱來入其心。
- (8) **諸**¹⁵⁰**大眾集會**者,若菩薩垂成佛時,四天王諸天、忉利諸天、夜摩天、兜率陀天、化樂天、他化自在天、梵天乃至阿迦膩吒天¹⁵¹,諸龍神、夜叉、乾闥婆、阿修羅、迦樓羅、緊那羅、摩睺羅伽等一切諸神,十方無量世界,各持第一上妙供養之具來供養菩薩,名為大眾集會。

又聲聞人言:十世界諸天盡來,名為**諸天大會**。

- (9) **希有行具足**者,若菩薩得佛時,地六種震動。十方無量三千大千世界,諸魔王宮殿,皆變壞、無色,光不復現。無量須彌山皆悉動搖,無量大海皆悉振蕩¹⁵²,一切世界出非時華、兩栴檀末香及諸天名華¹⁵³——諸希有事。
- $^{(10)}$ 時具足者,時無疾疫 154 、飢饉、刀兵、流離 155 、逃 $^{(32c)}$ 逆 156 。雨

¹⁴⁷ 諮求:詢求,訪求。(《漢語大詞典》(十一), p.349)

¹⁴⁸ 垂:11.將近。(《漢語大詞典》(二), p.1077)

¹⁴⁹ 留難:無端阻留,故意刁難。(《漢語大詞典》(七), p.1333)

¹⁵⁰ 諸=於【宋】【元】【明】【宮】。(大正 26,32d,n.7)

¹⁵¹ 阿迦尼吒天: 梵名 Akaniṣṭha-deva, 巴利名 Akaniṭṭha-deva。乃色界十八天之一, 五淨居天之一。又作阿迦膩吒天、阿迦尼師吒天。意譯一究竟天、一善天, 有頂天。位於第四禪天之最頂位,亦為色界十八天之最上天,為有形體之天處之究竟, 故又稱質礙究竟天、色究竟天。過此天則為無色界之天,僅有心識而無形體。(《佛光大辭典》(四), p.3651.2-3651.3)

¹⁵² (1)振蕩:見"振盪"。(《漢語大詞典》(六), p.602)

⁽²⁾振盪:亦作"振蕩"。震動,搖蕩。(《漢語大詞典》(六), p.603)

¹⁵³ 華+ (等)【宋】【元】【明】【宮】。(大正 26,32d,n.8)

¹⁵⁴ 疫病:流行性的傳染病。(《漢語大詞典》(八), p.287)

澤¹⁵⁷隨時,無諸災橫¹⁵⁸。諸國王等,如法治化,人民安樂,壽命延長。無有怨賊、諸惡鳥獸、毒虫、鬼神惱害眾生。

2、釋「佛功德力」

(1) 總標

佛功德力者,一切去來今佛威力、功德、智慧、無量深法,等無差別,但隨諸佛本願因緣,或有⁽¹⁾壽命無量;或有⁽²⁾見者即得必定,⁽³⁾聞名者亦得必定;⁽⁴⁾女人見者即成男子身,若⁽⁵⁾聞名者亦轉女身;或有⁽⁶⁾聞名者即得往生;或⁽⁷⁾有無量光明,⁽⁸⁾眾生遇者離諸障蓋;或⁽⁹⁾以光明減一切苦惱。

(2)別釋

- (1) 無量壽命者¹⁶⁰,壽命無量劫,過諸算數——劫、百劫、千劫、萬劫、億劫、百千萬億那由他¹⁶¹阿僧祇劫;如是久住,為利益憐愍眾生故。一切諸佛雖力能無量壽,以本願故,有久住世者,有不久住者。
- (2) **見時得入必定**者,有眾生見佛,即住阿耨多羅三藐三菩提阿惟越致地。何以故?是諸眾生見佛身者心大歡喜、清淨悅樂,其心即攝得如是菩薩三昧;以是三昧力通達諸法實相,能直入阿耨多羅三藐三菩提必定地。是諸眾生長夜深心,**種見佛入必定善根**——以大悲心為首,善妙清淨;為通達一切佛法故,為度一切眾生故,是善根成就時至,是故得值此佛。又以**諸佛本願因緣**,二事和合¹⁶²故,此事得成。

¹⁵⁵ 流離:因災荒戰亂流轉離散。(《漢語大詞典》(五), p.1276)

^{156 (1)} 逃迸:逃跑潰散。(《漢語大詞典》(十), p.797)

⁽²⁾ 併(ケムヽ): 1.散走,四散而挑。2.指挑,奔。(《漢語大詞典》(十),p.802)

¹⁵⁷ 雨澤:雨水。(《漢語大詞典》(十一), p.618)

¹⁵⁸ 横=蝗【宋】【元】【明】【宮】。(大正 26,32d,n.9)

¹⁵⁹ 案:「以光明即入必定」, 論無解釋。

^{160 《}佛說無量壽經》卷 1 (大正 12,268a15-16): 設我得佛,壽命有能限量,下至百千億那由他劫者,不取正覺。

¹⁶¹ 那由多:梵語 nayuta, niyuta。印度數量名稱。又作那庾多、**那由他**、尼由多、那術、那述。意譯兆、溝。依《俱舍論》卷十二所載,十阿庾多(又作阿由多)為一大阿庾多,十大阿庾多為一那由多,故一那由多為一阿庾多之百倍;一阿庾多為十億,故一那由多為千億,通常以此為佛教所說那由多之數量。此外,就印度一般數法而言,阿庾多為一萬,那由多則為百萬。(《佛光大辭典》(三),p.3022.1)

¹⁶² 二事和合:1、種見佛入必定善根,大悲心,通達一切佛法。2、諸佛本願因緣。

- (3) **閩佛名入必定**者,佛有本願,若聞我名者即入必定;¹⁶³如見佛,閩亦如是。
- (4) **女人見**¹⁶⁴**得轉女形**者,若有一心求轉女形,深自厭患,有信解力, 誓願男身。如是女人,得見佛者,即轉女形。**若女人無有如是業因 緣,又女身業未盡,不得值如是佛**。
- (5) 女人(33a) **聞佛名轉女形**者¹⁶⁵,此事因緣,如見佛¹⁶⁶中說。¹⁶⁷
- (6) **閩佛名得往生**者,若人信解力多,諸善根成就,業障礙已盡,如是 之人得聞佛名。又是諸佛本願因緣,便得往生。
- (7) 無量光明者¹⁶⁸,一切佛光明所炤¹⁶⁹,隨意遠近。此說無量者,是其常光。常光明,不可¹⁷⁰由旬¹⁷¹里數以為限量。遍滿東方若干百千萬億由旬,不可得量;南、西、北方,四維、上下亦復如是。但知其無量而莫知邊際。
- (8) **遇光明得除諸蓋**者,是諸佛本願力所致,貪欲、瞋恚、睡眠、調悔、疑,除此障蓋,眾生遇光即能念佛;念佛因緣故念法,念法故諸蓋得除。
- 163 (1)《佛說無量壽經》卷1(大正12,268a11-12): 設我得佛,國中人天,不住定聚必至滅度者,不取正覺。
 - (2)《十住毘婆沙論》卷5〈9易行品〉(大正26,43a): 阿彌陀佛本願如是,若人念我稱名,自歸即入必定,得阿耨多羅三藐三菩 提。
 - (3)《大智度論》卷 34 〈1 序品〉(大正 25,313a21-314a17)。
- 164 見+ (佛)【宋】【元】【明】【宮】。(大正 26,32d,n.10)
- 165 《佛說無量壽經》卷 1 (大正 12,268c21-24): 設我得佛,十方無量不可思議諸佛世界,其有女人聞我名字,歡喜信樂發菩提心 厭惡女身,壽終之後復為女像者,不取正覺。
- 166 佛+ (經) 【宋】 【元】 【明】 【宮】。 (大正 26,33d,n.1)
- 167 (1)《十住毘婆沙論》卷 3 〈5 釋願品〉(大正 26,32c25-28): 女人見得轉女形者,若有一心求轉女形,深自厭患,有信解力,誓願男身。 如是女人,得見佛者,即轉女形。
- ¹⁶⁸ 《佛說無量壽經》卷 1 (大正 12, 268a13-14):

設我得佛,光明有能限量,下至不照百千億那由他諸佛國者,不取正覺。

- 169 炤:同"照"。1.照耀。(《漢語大詞典》(七), p.57)
- 170 可+(以)【宋】【元】【明】【宫】。(大正 26,33d,n.2)
- 171 由旬: 梵 yojana, 古印度計程單位。一由旬的長度, 我國古有八十里、六十里、四十里等諸說, 見《翻譯名義集·數量》。(《漢語大詞典》(七), p.1299)

(9) **光明觸身,苦惱皆滅**者,若眾生墮地獄、畜生、餓鬼、非人之¹⁷²中, 多諸苦惱。以佛本願、神通之力,光觸其身,即得離苦。

3、釋「法具足」—— 十種具足

(1) 總標

法具足者,一切諸佛法悉皆具足,無有具足、不具足者,**諸佛說法同故, 法俱具足**。但以本願因緣故差別不同,或有久住、不久住耳!

何謂法具足?法有⁽¹⁾略說、有⁽²⁾廣說、有⁽³⁾略廣說,有⁽⁴⁾具足聲聞乘、有⁽⁵⁾具足辟支佛乘、有⁽⁶⁾具足大乘,⁽⁷⁾以諸神通力守護,⁽⁸⁾令不為於道所壞,⁽⁹⁾不為諸魔所破,⁽¹⁰⁾久住於世。

(2)別釋

- (1) 略說者,以少言辭包含多義,利根之人聞則開悟。
- (2) **廣說**者,於一事、一義種種因緣,為諸鈍根、樂分別者,敷演¹⁷³解 說。
- (3) 若略廣說者,亦以一言包舉廣義。又亦種種演散一義。
- (4) **有具足聲聞乘、**(5) **具足辟支佛乘、**(6) **具足大乘**者,此義後當說。¹⁷⁴
- ⁽⁷⁾**神力護法**者,以佛神力護念是法,以諸佛印印之。諸佛印者,所謂四大因¹⁷⁵,離四黑因¹⁷⁶。
- (8) **不為外道所壞**者,一切沙 (33b) 門、婆羅門、外道論師,所有邪見 說生、滅、味、患、出。又覺一切善說破壞因緣。
- (9)**不為一切魔所壞**者,諸佛有無量無邊功德、智慧方便、神通力故; 魔雖有力,而不能壞。又諸菩薩力故,魔不能壞。
- (10) 法久住者,若一劫,若減一劫,若過177數百劫、千劫、萬劫、十萬

 $^{^{172}}$ 之=趣【宋】【元】【明】【宮】。(大正 26,33d,n.4)

¹⁷³ 敷演: 1.陳述而加以發揮。(《漢語大詞典》(五), p.505)

¹⁷⁴ 參見《十住毘婆沙論》卷 3〈5 釋願品〉(大正 26,33b8-c4)。

^{175「}四大因」,待考。

^{176 (1)「}四黑因」,可能是指四邪因:1、邪因邪果,2、無因有果,3、有因無果, 4、無因無果。

⁽²⁾參見〔隋〕吉藏撰,《三論玄義》卷1(大正45,1b11-14): 總論西域九十六術,別序宗要則四執盛行:一、計**邪因邪果**,二、執無因 有果,三、立有因無果,四、辨無因無果。

¹⁷⁷ 過+(是)【宋】【元】【明】【宮】(大正 26,33d, n.5)。

劫、百萬劫、千萬劫、萬萬劫、無量千萬億那由他阿僧祇劫,乃至 無量無邊劫。

4、釋「聲聞具足」—— 十種具足

(1)總標

聲聞具足者,一切諸佛悉皆具足聲聞僧,但諸佛本願因緣故,有少、多 差別。

何謂具足?所謂如來聲聞眾,具足⁽¹⁾**持戒**、⁽²⁾**禪定**、⁽³⁾**智慧**、⁽⁴⁾**解脫**、⁽⁵⁾**解脫知見**,⁽⁶⁾**同等**,⁽⁷⁾**清淨**,⁽⁸⁾悉是利根,⁽⁹⁾益¹⁷⁸諸菩薩,⁽¹⁰⁾形色嚴淨。

(2) 別釋

- (1) **具足持戒**者,遠離殺生、偷盜、邪婬、妄語、兩舌、惡口、綺語、 飲酒、邪命等諸惡法。又毘尼所制皆悉遠離,又能成就無漏戒故。
- (2) **具足禪定**者,四禪、四無量心、四無色定、八解脫¹⁷⁹、八背捨¹⁸⁰、 八勝處¹⁸¹、十一切入¹⁸²等,及得無漏諸禪定故。

179 (1)《中阿含經》卷 24 (97 經)《大因經》(大正 1,582a17-29):

有八解脫。云何為八?色觀色,是謂第一解脫。復次,內無色想外觀色, 是謂第二解脫。復次,淨解脫身作證成就遊,是謂第三解脫。復次,度 切色想,滅有對想,不念若干想,無量空處,是無量空處成就遊,是謂第 四解脫。復次,度一切無量空處,無所有處,是無所有處成就遊,是謂第 五解脫。復次,度一切無量識處,無所有處,是無所有處成就遊,是謂第 六解脫。復次,度一切無所有處,非有想非無想處,是非有想非無想處成 就遊,是謂第七解脫。復次,度一切非有想非無想處,想知滅解脫身作證 成就遊,及慧觀諸漏盡知,是謂第八解脫。

- (2) 案:「八解脫」又名「八背捨」。
- 180 (1)《摩訶般若波羅蜜經》卷 4 〈12 句義品〉(大正 8,243a3-11): 八背捨。何等八?色觀色,是初背捨。內無色相外觀色,是二背捨。淨背 捨身作證,是三背捨。過一切色相故、滅有對相故、一切異相不念故、入 無邊虚空處、是四背捨。過一切無邊虛空處入一切無邊識處,是五背捨。 過一切無邊識處入無所有處,是六背捨。過一切無所有處入非有想非無想 處,是七背捨。過一切非有想非無想處入滅受想定,是八背捨。
 - (2) 參見《大智度論》卷 21 〈1 序品〉(大正 25, 215a7-216a3)。
- 181 (1)《大般涅槃經》卷上(大正1,192a10-15): 有八勝處,一者、內有色想外觀色少境界。二者、內有色想外觀色無量境界。三者、內無色想外觀色少境界。四者、內無色想外觀色無量境界。五

¹⁷⁸ 益=利益者【宋】【元】【明】【宫】。(大正 26,33d,n.6)

- (3) **具足智慧**者,成就四種智慧:從**多聞**生、從**思惟**生、從**修集**生、從 **先世業因緣果報**生。
- (4) **具足解脫**者,於一切煩惱得解脫,又於一切障閡¹⁸³得解脫。¹⁸⁴
- (5) **具足解脫知見**¹⁸⁵者,**知**名識其事,**見**名明了其事,於解脫中了了知 見無疑。又知名盡智¹⁸⁶,**見**名見四諦。¹⁸⁷
- (6) **同等**者,諸入須陀洹果悉皆同等,乃至阿羅漢亦如是。
- (7)**清淨**者,成就三種清淨:**身清淨、口清淨、意清淨**。
- (8) **利智**者,但聞少語能廣解了,通達義趣;略能作廣,廣能作略,義理微隱¹⁸⁸能令易解。

者、觀一切色青。六者、觀一切色黃。七者、觀一切色赤。八者、觀一切色白。此是行者上勝之法。

- (2) 參見《大智度論》卷 21 〈1 序品〉(大正 25, 216a3-b29)。
- 182 (1) 案:「十一切人」,又稱「十一切處」或「十遍處」。
 - (2)《中阿含經》卷 59 (215 經)《第一得經》(大正 1,800b3-8): 有十一切處。云何為十?有比丘無量地處修一,思惟上下諸方不二,無量 水處,無量火處,無量風處,無量青處,無量黃處,無量赤處,無量白處, 無量空處,無量識處第十修一,思惟上下諸方不二。
 - (3)《大毘婆沙論》卷 85 (大正 27,440b11-12): 十遍處者,謂青、黃、赤、白,地、水、火、風,空無邊處,識無邊處遍 處。
- 184 《十住毘婆沙論》卷 11〈23 四十不共法中善知不定品〉(大正 26,83a24-b3): 無礙解脫者,解脫有三種:一者、於煩惱障礙解脫,二者、於定障礙解脫,三者、 於一切法障礙解脫。是中得慧解脫阿羅漢,得離煩惱障礙解脫。共解脫阿羅漢及 辟支佛,得離煩惱障礙解脫、得離諸禪定障礙解脫。唯有諸佛具三解脫,所謂煩 惱障礙解脫、諸禪定障礙解脫、一切法障礙解脫,總是三種解脫故,佛名無礙解 脫。
- ¹⁸⁵ 《阿毘達磨發智論》卷 2 (大正 26,924a1-2):

云何無學解脫智見蘊?答:盡智、無生智。

¹⁸⁶ 《阿毘達磨品類足論》卷 1〈1 辯五事品〉(大正 26,694a8-14):

盡智云何?謂自遍知,我已知苦、我已斷集、我已證滅、我已修道,由此而起智見明覺、解慧光觀,皆名盡智。

無生智云何?謂自遍知,我已知苦不復當知、我已斷集不復當斷、我已證滅不復當證、我已修道不復當修,由此而起智見明覺、解慧光觀,皆名無生智。

- 187 參見《大智度論》卷 26 〈1 序品〉(大正 25, 250c24-251a10)。
- 188 微隱:精深而隱秘。(《漢語大詞典》(三), p.1061)

- (9) **利益菩薩**者,念諸菩薩乃至初發心者亦不輕慢,深愛敬故,常開示善惡,為說佛道方便因緣。
- (10) **形色嚴淨**(33c)者,身體姝美¹⁸⁹,姿容具足,兼有相好,見者歡喜¹⁹⁰。如辟支佛,行來進止¹⁹¹,坐臥寐寤¹⁹²,飲食澡浴,著衣持鉢, 威儀庠序¹⁹³無所闕¹⁹⁴少。若人見者,心則清淨。

5、釋「菩提樹具足」

菩提樹具足者,所有大樹——娑羅樹¹⁹⁵、多羅樹¹⁹⁶、提羅迦樹、多摩羅樹¹⁹⁷、婆求羅樹、瞻蔔樹¹⁹⁸、阿輸迦樹¹⁹⁹、娑呵迦羅樹、分那摩樹、那

- 196 (1)[宋]法雲,《翻譯名義集》卷3(大正54,1102a20-25): 多羅,舊名**貝多**,此翻岸。形如此方椶櫚,直而且高,極高長八九十尺, 華如黄米子。有人云:一多羅樹,高七仞,七尺曰仞,是則樹高四十九尺。 《西域記》云:南印建那補羅國北不遠有多羅樹林,三十餘里,其葉長廣, 其色光潤,諸國書寫,莫不采用。
 - (2) 多羅樹:(梵、巴 tāla)屬棕櫚科喬木。又名樹頭椶、岸樹、高竦樹。學名 Borassus flabelliformis。盛產於印度、緬甸、錫蘭、馬來群島及熱帶非洲。 樹高七十餘尺,花大而白,果熟即赤,狀若石榴。如《玄應音義》卷二云:「其樹形如椶櫚,極高者七、八十尺,果熟則赤如大石榴,人多食之,東印度界其樹最多。」又,卷二十三云:「其樹形似椶櫚,直而高聳,大者數圍,花白而大,若捧兩手,果熟即赤,狀若石榴,生經百年方有花果,舊言貝多,訛也。」此樹之樹葉呈扇狀,葉面平滑堅實,可書寫經文。人稱貝葉或貝多羅葉。(《中華佛教百科全書》(四),pp.2015.3-2016.1)
- 197 多摩羅跋香樹:多摩羅跋,梵語 tamālapatra,或 tamālapattra, tamāla, tamālaka, tama, Patra。又作多摩羅跋樹、**多摩羅樹**。為樟科之一種。學名 Cinnamomum nitidum。 即我國所稱之藿香(霍香)。灌木,花呈淡黃色,樹皮含有肉桂般之香味,樹葉 亦可製香,可用為發汗、健胃等藥,產於我國、南印度、錫蘭等。我國除稱其為

^{189 (1)} 姝美:美麗。(《漢語大詞典》(四), p.342)

⁽²⁾ 姝 (アメ): 1.美好。2.美女。(《漢語大詞典》(四), p.342)

¹⁹⁰ 喜=悅【宋】【元】【明】【宮】。(大正 26,33d,n.8)

¹⁹¹ 進止:舉止,行動。(《漢語大詞典》(十), p.980)

¹⁹² (1) 寐寤=寤寐【宋】【元】【明】【宮】。(大正 26,33d,n.9)

⁽²⁾ 寐寤:睡眠和覺醒。引申為生活起居。(《漢語大詞典》(三), p.1576)

¹⁹³ 庠序:安詳肅穆。庠,通「詳」。(《漢語大詞典》(三),p.1230)

¹⁹⁴ 闕(くロせ): 少,缺少。(《漢語大詞典》(十二), p.147)

¹⁹⁵ 娑羅樹:娑羅,梵語śāla,有堅固、高遠之義。又作沙羅樹、薩羅樹、蘇連樹。學名 Shorea robusta。屬龍腦香科之喬木,產於印度等熱帶地方,其高約三十二公尺,葉長橢圓形而尖,長約十六至二十五公分,寬約十至十六公分,花小呈淡黃色,材質甚堅,供建築用,其樹脂可代替瀝青,種子能搾油。(《佛光大辭典》(五),pp.4079.3-4080.2)

摩樹²⁰⁰、那迦樹、尸利²⁰¹沙樹²⁰²、涅劬陀樹²⁰³、阿輸陀樹²⁰⁴、波勒叉樹、

藿香外,尚以藿葉香、根香、赤銅葉等稱之。此外,《翻譯名義集》卷八眾香篇, 將其譯作「性無垢腎」。(《佛光大辭典》(三),p.2332.1-2032.2)

- 198 瞻蔔樹:瞻蔔,梵語 campaka,巴利語同。又作瞻波樹、瞻博迦樹、占婆樹、瞻婆樹、占博迦樹。意譯為金色花樹、黃花樹。產於印度熱帶森林及山地,樹身高大,葉面光滑,長六、七寸,葉裏粉白,並有軟毛;所生黃色香花,燦然若金,香聞數里,稱為瞻蔔花,又作金色花、黃色花。其樹皮可分泌芳香之汁液,與葉、花等皆可製成藥材或香料。以此花所製之香,即稱為瞻蔔花香。(《佛光大辭典》(七),p.6576.2-6576.3)
- 199 阿輸迦樹:阿輸迦,梵語 aśoka 之音譯。又作阿叔迦樹、阿舒伽樹。意即**無憂樹**。 學名 Jonesia asoka Roxb。屬荳科之植物,產地分布於喜馬拉雅山、錫蘭(斯里蘭卡)、馬來半島。樹幹直立,其葉似槐,為羽狀複葉,長約九至二十公分,花開約六至十公分,其色鮮紅,引人注目。果實橢圓,長約二十餘公分。印度文學上,常視之為瑞徵。據傳悉達多太子於藍毘尼園阿輸迦樹下出生,由於母子均安,故此樹被稱為無憂樹。(《佛光大辭典》(四),p.3678.2-3678.3)
- ²⁰⁰ (那摩樹) 【宋】【元】【明】【宮】。(大正 26,33d,n.10)
- ²⁰¹ 利=梨【宋】【元】【明】【宮】。(大正 26,33d, n.11)
- ²⁰² (1)[宋]法雲,《翻譯名義集》卷3(大正54,1102b26-28): 尸利沙(Sirīsa),或云**尸利灑**,即此間合昏樹。有二種:名尸利沙者,葉 實俱大;名尸利駛者,葉實俱小。又舍離沙,此云**合歡**。
 - (2) 尸利沙樹: 尸利沙, 梵語 śirīṣa, 巴利語 sirīsa。又作尸利灑樹、師利沙樹、舍離沙樹。意譯為**合歡樹、夜合樹、合昏樹, 乃吉祥之意**。學名 Acacia sirissa, 為產於印度之一種香木, 其樹膠可製香藥。(《佛光大辭典》(一), p.942.2-942.3)
- 203 (1)案:「涅劬陀樹」又名「尼拘律樹」或「尼拘盧陀樹」。
 - (2) 尼拘律樹:尼拘律,梵語 nyagrodha,巴利語 nigrodha,意譯為無節、縱廣、多根。又稱尼拘陀樹、尼拘屢陀樹、尼拘尼陀樹、尼拘類樹、尼俱盧陀樹、諾瞿陀樹。學名 Ficus indica。屬桑科,形狀類似榕樹。產於印度、錫蘭等地,高十公尺乃至十五公尺,樹葉呈長橢圓形,葉端為尖狀。由枝生出下垂氣根,達地復生根;枝葉繁茂而向四方蔓生,然其種子甚小,故佛典常用來比喻由小因而得大果報圖片者;或為覆物之譬喻。(《佛光大辭典》(二),p.1885.1-1885.2)
- 204 (1)參見《十住毘婆沙論》卷5〈9易行品〉(大正26,44a18-20): 釋迦牟尼佛,阿翰陀樹下,降伏魔怨敵,成就無上道。
 - (2)《佛說觀佛三昧海經》卷 1 〈3 觀相品〉(大正 15,650b11-12): 佛告父王:「云何名苦行時白毫毛相?如我踰出宮城已,去伽耶城不遠,詣 阿翰陀樹……。」
 - (3) 案:「**阿輸陀樹**」或譯為「**阿說他樹**」,參見《佛光大辭典》(六), pp.5208.1-5208.2:
 - 菩提樹:梵語 bodhi-druma, bodhi-taru, bodhi-vṛkṣa, 或單稱 bodhi, 巴利語 bodhi-rukkha。又稱覺樹、道樹、道場樹、思惟樹、佛樹。釋尊即於中印度

憂曇鉢羅樹等——於此諸大樹中隨取一樹,在平地者,高廣具足;根、莖、枝、葉滋潤茂盛,華色鮮明無有傷缺。

其樹舉高五十由旬,端直平澤²⁰⁵,無有盤²⁰⁶節;皮膚細軟,色白鮮淨; 無有刺閡²⁰⁷,內不朽腐,又不空中虫蝎²⁰⁸傷齧²⁰⁹。其根深固連編²¹⁰相 次²¹¹。其華嚴飾²¹²如鬘²¹³瓔珞。枝葉蔚²¹⁴茂猶如圓蓋。次第分布功殊人 造。其葉青鮮猶如寶色,枝無絞戾²¹⁵萎黃枯葉,無有虫蟻²¹⁶蚊蚋²¹⁷虻²¹⁸ 蟻。其下清淨布諸金沙,種種光明周匝²¹⁹炤燿²²⁰,栴檀香水以灑其地, 平坦柔軟清涼快樂,牛頭栴檀²²¹細末布上。

摩揭陀國伽耶城南菩提樹下證得無上正覺。此樹原稱**鉢多(梵 aśvattha)**, 又作貝多、**阿說他**、阿沛多,意譯為吉祥、元吉。學名 Ficus religiosa。其 果實稱**畢鉢羅**(梵 pippala),故亦稱**畢鉢羅樹**。屬桑科,原產於東印度, 為常綠喬木,高達三公尺以上,其葉呈心形而末端尖長,花隱於球形花囊 中,花囊熟時呈暗橙色,內藏小果。

- ²⁰⁵ 澤:6.光亮,潤澤。(《漢語大詞典》(六), p.165)
- ²⁰⁶ 盤:6.盤繞,盤旋,盤曲。(《漢語大詞典》(七),p.1485)
- ²⁰⁷ (1)刺(**ちヽ**):13.泛指尖利如針之物。(《漢語大詞典》(二), p.649)
 - (2) 閡(アセノ): 阳礙,妨礙。(《漢語大詞典》(十二),p.115)
- ²⁰⁸ (1)虫蝎=不為虫蝎之所【宋】【元】【明】【宮】。(大正 26,33d,n.13)
 - (2) 蝎(アセノ): 木中蛀蟲。(《漢語大詞典》(八), p.928)
- ²⁰⁹ 齧:(**う**ーせヽ):1.咬,啃。2.侵蝕。(《漢語大詞典》(十二),p.1453)
- ²¹⁰ 連編: 串連編結。(《漢語大詞典》(十), p.871)
- ²¹¹ 相次; 1.亦作 "相侬"。依為次第,相繼。(《漢語大詞典》(七), p.1141)
- ²¹² 嚴飾:裝飾美盛,盛飾。(《漢語大詞典》(三), p.550)
- ²¹³ 鬘(ロ**ワ**ノ): 2.纓絡之類裝飾品。印度風俗,男女多取花朵相貫,以飾身或首。 (《漢語大詞典》(十二), p.752)
- ²¹⁴ (1) 蔚=欝【宋】【元】【明】【宮】。(大正 26,33d,n.14)
 - (2) 蔚(メヘヽ): 2.草木茂密。(《漢語大詞典》(九), p.542)
- ²¹⁵ (1) 絞(Ч-幺∨): 纏繞。(《漢語大詞典》(九), p.844)
 - (2) 戾(カーヽ): 彎曲。(《漢語大詞典》(七), p.347)
- ²¹⁶ 蟻=蛾【宋】【元】【明】【宮】。(大正 26,33d,n.15)
- ²¹⁷ 蚋(ロメへ、): 蚊類害蟲。體形似蠅而小,吸人畜血液。(《漢語大詞典》(八), p.867)
- ²¹⁸ 虻 (**ロムィ**): 昆蟲名。種類很多,吮吸人、畜的血液。(《漢語大詞典》(八), p.861)
- ²¹⁹ 匝 (P Y): 2.環繞,圍繞。(《漢語大詞典》(一), p.958)
- ²²⁰ 炤燿:亦作"炤耀"。照耀,照射,為光芒所照射。(《漢語大詞典》(七), p.57)
- ²²¹ 《大智度論》卷 27〈1 序品〉(大正 25, 260a17):
 - 一切木香中,牛頭栴檀為第一。

諸天常雨曼陀羅華²²²,燒黑沈香芬馨²²³流溢,五色天繒²²⁴參²²⁵羅垂列, 清風微動猗靡²²⁶隨順,鳥獸遊側寂然無聲。其樹左右天常雨華,眾妙雜 色自然間錯²²⁷,垂以為瓔²²⁸猶如龍身,身上往往²²⁹懸以金色華貫,四面 大枝垂寶羅網²³⁰。

眾寶莊嚴猶紫金山,巍巍²³¹姝妙如帝釋幢²³²。斯由菩薩百千萬億阿僧祇劫修集善行功德所致。

種種妙寶化為師子王,四師子頂上有廣大寶床敷諸天繒。四天王天、忉利諸天、夜摩天、兜率陀天、化樂天、他化自在天、梵天乃至阿迦膩吒天,乘琉璃、車磲²³³、馬²³⁴瑙、大青寶、帝青寶、²³⁵金剛、(34a) 頗梨²³⁶

²²² 曼陀羅華:曼陀羅, 梵語 māndāra, māndārava, mandāraka, 意譯天妙、悅意、適意、雜色、圓、柔軟聲、闃、白。又作曼陀勒華、曼那羅華、曼陀羅梵華、曼陀羅姚華。其花大者,稱為摩訶曼陀羅華。曼陀羅華為四種天華之一,乃天界之花名。花色似赤而美,見者心悅。(《佛光大辭典》(五),p.4398.3)

²²³ 馨 (T ー 与): 1.香氣遠聞, 芳香。2.散播很遠的香氣。(《漢語大詞典》(十二), p.443)

²²⁴ 繒(アム): 1.古代絲織品的總稱。2.帛之厚者。(《漢語大詞典》(九), p.1022)

²²⁵ 參 (**5 9**): 1.羅列,並立。(《漢語大詞典》(二), p.838)

²²⁶ 猗靡:隨風飄拂貌。(《漢語大詞典》(五), p.76)

²²⁷ 錯:11.交錯,交叉。(《漢語大詞典》(十一), p.1309)

²²⁸ (1) 瓔=纓【宋】【元】【明】【宮】。(大正 26,33d, n.16)

⁽²⁾ 纓:4.用絲或毛等製成的穗狀飾物。(《漢語大詞典》(九), p.1054)

²²⁹ 往往:2.處處。(《漢語大詞典》(三), p.937)

²³⁰ 羅網:5.網狀物,寶網。(《漢語大詞典》(八),p.1052)

²³¹ 巍:高,高大。《方言》第六:"巍,高也。(《漢語大詞典》(三), p.875)

²³² 印順法師,《成佛之道》(增注本),第三章〈五乘共法〉,p.126: 經中比喻說:如帝釋與阿修羅作戰,帝釋的部屬,那伽、夜叉等,望見了**帝釋幢** (等於帝釋的帥旗),就會勇氣百倍。

²³³ **碑磲**: 梵語 musāragalva。為五寶之一,七寶之一。又作**車磲**、車渠、紫色寶、 紺色寶。音譯作麻薩羅揭婆、牟娑羅揭婆、牟沙羅。據增廣《本草綱目》卷四十 六載,車渠乃海中大蛤,外殼上有似壟之紋,如車輪之渠,其殼內白皙如玉,故 常被誤作玉石類。**後世多以白珊瑚及貝殼所製之物為碑磲**。〔法華玄贊卷二、玄 應音義卷二十一、卷二十三、慧苑音義卷下〕《佛光大辭典》《六)、p.5167.1-5167.2)

²³⁴ 車磲馬=硨磲瑪【宋】【元】【明】【宮】。(大正 26,33d,n.18)

^{235 [}唐] 栖復,《法華經玄贊要集》卷 13 (卍新續藏 34,469b20-c1): 言諸珍帝青等者,帝釋宮中青寶名帝青,大梵王宮中青寶名大青。 又云:帝釋髻中寶名帝青,大梵王髻中寶名大青。此解不正,二種俱是帝釋宮中寶,為正;勝者名大青,劣者帝青,青寶體是一,勝劣分二。

眾寶宮殿,其色無比光明遠炤,俱集寶樹圍繞供養。

又十方無量世界諸菩薩眾²³⁷隨本所願備諸供具,兩眾寶物、花香、幡蓋、 種種伎樂等。是名具足菩提樹。

6、釋「世間莊嚴」

世間莊嚴者,菩薩觀察十方清淨國土最上妙者而發大願:我²³⁸修集功德 所得國土,復勝於此,第一無比。

7、釋「眾生善利」

眾生善利者,眾生端正,無諸疾患,無有老病,壽²³⁹無量阿僧祇劫,悉 皆化生,身無眾穢,具足三十二相,光明無量,煩惱微薄,易可化度。

8、釋「可度具足」

可度具足者,一坐說法,恒河沙眾生同時得度。自²⁴⁰有餘佛演說法時度 一人、二人;是諸眾生宿種善根,結使微薄,聞說即悟。

9、釋「大眾集會」

大眾集會者,有佛大會滿一由旬,或十由旬,有百千萬億由旬,有滿三千大千世界。此中大集會者,十方恒河沙世界以為大會;又其會中但是福德之人及諸天八部、初地菩薩乃至十住悉共來²⁴¹會,唯除諸佛。

10、釋「佛力具足」

佛力具足者,諸佛所行四十不共法242,是一一法所行處,一切無量無邊。

又梵云: **因陀石羅此云帝青珠,摩訶石羅此云大青珠也**, 人間有寶, 形狀似彼寶, 亦名帝青、大青, 故言之類也。

- ²³⁶ (1) 頗梨=玻璃【宋】【元】【明】【宮】。(大正 26,34d,n.1)
 - (2)《一切經音義》卷 25 (大正 54,463c8): 頗梨(正云頗胝迦,此云水玉。狀似水精,有赤、有白。《大論》云「過千 年氷化為頗梨珠」,未詳虛實也)。
 - (3) 頗梨:指狀如水晶的寶石。(《漢語大詞典》(十二), p.287)
- \mathbb{Z}^{237} 眾 + (俱)【宋】【元】【明】【宮】。(大正 26,34d,n.2)
- ²³⁸ 我+(當)【宋】【元】【明】【宮】。(大正 26,34d,n.3)
- ²³⁹ 壽+(命)【宋】【元】【明】【宮】。(大正 26,34d, n.4)
- ²⁴⁰ 自:5.自然,當然。10.連詞。雖,即使。(《漢語大詞典》(八),p.1306)
- 241 來=集【宋】【元】【明】【宮】。(大正 26,34d, n.5)
- - (2) 另參見《十住毘婆沙論》卷 11 (大正 26,83b3-c4)「常不離慧」等四十四 不共法。

三、結

是第十願。

|(捌)第八願——同願同行,無有怨競願

復次,俱行於一事,願無有怨競²⁴³。²⁴⁴

若菩薩所作福德,若布施、持戒、忍辱、精進、禪定、智慧,若諦、捨、滅、 慧四功德處,若因諸大願,求佛道時應作是願:「若有餘人同我行此六波羅 蜜、四功德處,求佛道者,願我以此福德因緣,不於餘人而生怨競。**何以故? 同行一事**。」諸有智者說有怨相,世間亦復現有此事。除此過故,發是大願。 是第八願。

|(玖)第九願——轉不退法輪,離垢得清淨願

復次,願行菩薩道,轉不退轉輪,(34b)令除諸煩惱,得入信清淨。²⁴⁵

²⁴³ 競:1.爭競。3.爭辯,爭鬧。(《漢語大詞典》(八), p.402)

²⁴⁴ (1)《十住經》卷 1 〈1 歡喜地〉(大正 10,501b24-c2):

又,一切菩薩同心同學,共集諸善,無有怨嫉,俱緣一事,等心和合,常 不相離。隨意能現佛身,自於心中悉能解知諸佛神力、智力;常得隨意神 通,悉能遊行一切國土,一切佛會皆現身相、一切生處普生其中,有如是 不可思議大智慧、具足菩薩行,發如是大願,廣大如法性、究竟如虚空, 盡未來世、盡一切劫行如是大智慧道,無有休息。

- (2)《大方廣佛華嚴經》卷 34 (26 十地品)(大正 10, 182a15-22): 又發大願:「願與一切菩薩同一志行,無有怨嫉,集諸善根,一切菩薩平等 一緣,常共集會,不相捨離,隨意能現種種佛身,任其自心能知一切如來 境界、威力、智慧,得不退如意神通,遊行一切世界,現形一切眾會,普 入一切生處,成就不思議大乘,修菩薩行,廣大如法界,究竟如虛空,盡 未來際一切劫數,無有休息。」
- (3)《佛說十地經》卷1〈1菩薩極喜地〉(大正10,539a18-28): 為與一切菩薩同一意樂加行,為無怨敵積集善根,為一所緣與諸菩薩得平 等性,為常逢遇諸佛菩薩不相捨離,為隨自欲示佛出世,為隨心念解佛威 力,為獲圓滿一切生中常不退轉隨行神通,為遍遊歷一切世界,為於一切 眾會影現,為隨一切受生之處同類而行,為恒成就不可思議大乘理趣,為 欲修行菩薩正行,廣大法界、盡虛空性、窮未來際一切劫數及正行數,無 有休息,為大智神通發第八大願。
- (1)《十住經》卷 1 〈1 歡喜地〉(大正 10,501c2-8): 又, 乘不退輪行一切菩薩道, 身、口、意業所作不空, 眾生見者即必定佛 法、聞我音聲即得真實智慧道、有見我者心即歡喜,離諸煩惱,如大藥樹 王。為得如是心,行諸菩薩道,發如是大願,廣大如法性、究竟如虚空, 盡未來世、盡一切劫行不退道所作不空,無有休息。

輪者,法輪。

不退轉者,無人能壞。

菩薩應如是發願:「我當如說行道,必**轉不退法輪**,轉此法輪除諸眾生三毒煩惱;轉捨生死,入佛法眾,苦、集、滅、道中使得清淨。」

是第九願。

(拾)第十願——於一切世界示現成佛道願

復次,願一切世界,皆示成菩提。²⁴⁶

- (2)《大方廣佛華嚴經》卷 34〈26十地品〉(大正10,182a22-27): 又發大願:「**願乘不退輪行菩薩行**,身、語、意業悉不唐捐,若暫見者則必 定佛法,暫聞音聲則得實智慧,纔生淨信則永斷煩惱,得如大藥王樹身, 得如如意寶身,修行一切菩薩行,廣大如法界,究竟如虛空,盡未來際一 切劫數,無有休息。」
- (3)《佛說十地經》卷1〈1菩薩極喜地〉(大正10,539a28-b5): 為行乘御不退轉輪諸菩薩行,為身、語、意業不唐捐,為暫見者便得決定 諸佛法性,暫聞言音便隨智證,纔生淨信永斷煩惱,為身得成如大藥王, 為得身心如如意寶,為當修行大菩薩行,廣大法界、盡虚空性、窮未來際 一切劫數及正行數,無有休息,為不廣捐發第九大願。
- 246 (1)《十住經》卷 1 〈1 歡喜地〉(大正 10,501c8-18):
 又,於一切世界皆得阿耨多羅三藐三菩提,於一毛頭示身入胎、出家、坐道場、成佛道、轉法輪、度眾生、示大涅槃。現諸如來大神智力,隨一切眾生所應度者,念念中得佛道、度眾生、滅苦惱,知一切法如涅槃相。以一音聲令一切眾生皆使歡喜,示大涅槃而不斷菩薩所行,示眾生大智地,使知一切法皆是假偽。大智慧、大神通自在變化故,發如是大願,廣大如法性、究竟如虚空,盡未來際、盡一切劫得佛道事,求大智慧、大神通等,無有休息。
 - (2)《大方廣佛華嚴經》卷 34〈26十地品〉(大正 10,182a27-b8): 又發大願:「願於一切世界成阿耨多羅三藐三菩提不離一毛端處,於一切毛端處皆悉示現初生、出家、詣道場、成正覺、轉法輪、入涅槃,得佛境界大智慧力,於念念中隨一切眾生心示現成佛令得寂滅,以一三菩提知一切法界即涅槃相,以一音說法令一切眾生心皆歡喜,示入大涅槃而不斷菩薩行,示大智慧地安立一切法,以法智通、神足通、幻通自在變化充滿一切法界,廣大如法界,究竟如虚空,盡未來際一切劫數,無有休息。」
 - (3)《佛說十地經》卷 1 〈 1 菩薩極喜地〉(大正 10,539b5-16): 為於一切諸世界中當證無上正等菩提,為不殊異於一毛道,遍於一切諸毛 道中,示生、出家、道場、正覺、轉大法輪、歸大寂滅,為當現證弘佛境 界、威力、智慧,隨於一切有情意樂示佛出世,令其所化剎那剎那覺寂證 修,為剎那頃以一正覺普遍一切法寂滅性,為以一音演說法要,令諸有情

《十住毘婆沙論》講義

隨諸世界應有佛事處,盡於其中示得阿耨多羅三藐三菩提,安樂一切眾生故,滅度一切眾生故,以阿耨多羅三藐三菩提大故獨說;其餘入胎、出胎、生長、在家、出家受戒、苦行、降伏魔眾、梵王勸請及轉法輪、大眾集會廣度眾生、現大神力、示大滅度——如此諸事悉皆如是應作。是知有如是無量力,能利無量無邊眾生,不應但於一國示成佛道。247

有人言:「於一佛國所有四天下諸閻浮提是一佛土,過此已²⁴⁸外唯佛能知。」 **而實不爾**。

是第十願。

參、十願究竟

(壹) 略說

復次,如是諸菩薩,十大願為首,廣大如虚空,盡於未來際, 及餘無量願,亦各分別說。²⁴⁹

願名心所貪樂,求欲必成。

十者,有十種門。

廣大如虛空者, 願所緣方, 如所有虛空處, 願亦如是。

盡未來際者,願時所住,盡一切眾生未來生死際。

心皆悅豫,為示大涅槃而行力不絕,為示大智地建立一切法,為以法智神變幻通,悉能充遍一切世界,廣大法界、盡虚空性、窮未來際一切劫數及 正覺數,無有休息,**為引發大乘菩薩發起第十大願**。

- 247 (1)參見《大智度論》卷9〈1序品〉(大正25,121c26-122a3): 佛有二種身:一者法性身,二者父母生身。是法性身滿十方虛空,無量無邊,色像端正,相好莊嚴,無量光明,無量音聲,聽法眾亦滿虛空(此眾亦是法性身,非生死人所得見也);常出種種身、種種名號、種種生處、種種方便度眾生,常度一切,無須臾息時。如是法性身佛,能度十方世界眾生。
 - (2) 參見印順法師,《初期大乘佛教之起源與開展》,第十三章〈華嚴法門〉, pp.1029-1033。
- ²⁴⁸ 已=以【宋】【元】【明】【宮】。(大正 26,34d, n.7)
- ²⁴⁹ (1)《十住經》卷 1 〈1 歡喜地〉(大正 10,501c18-20): 諸佛子!菩薩住歡喜地,以十願為首,生如是等百萬阿僧祇大願。
 - (2)《大方廣佛華嚴經》卷 34〈26十地品〉(大正10,182b8-11): 佛子!菩薩住歡喜地,發如是大誓願、如是大勇猛、如是大作用,以此十 願門為首,滿足百萬阿僧祇大願。
 - (3)《佛說十地經》卷1〈1菩薩極喜地〉(大正10,539b17-19): 菩薩住此極喜地中,十大願門以為上首,引發圓滿百千阿僧企耶諸餘正願。

有人言:阿耨多羅三藐三菩提是未來世生死際,若諸佛入無餘 涅槃是生死後際。菩薩志願無盡,而實成佛則止,一切十方世 界諸大菩薩,皆有是願。

餘無量願者,諸菩薩成就無量希有功德故,諸所有願,(34c)不可盡說。

(貳)廣說

一、標十種究竟

復次,菩薩發如是,十大願究竟。

是十大願,有十究竟事。何等為十?

⁽⁸⁾一切心所緣、⁽⁹⁾諸佛行處智、⁽¹⁰⁾世間法智轉,是名十究竟。²⁵⁰

²⁵⁰ (1)《十住經》卷 1 〈1 歡喜地〉(大正 10,501c20-25):

以十不可盡法而生是願,為滿此願勤行精進。何等為十?一、眾生不可盡, 二、世間不可盡,三、虚空不可盡,四、法性不可盡,五、涅槃不可盡, 六、佛出世不可盡,七、諸佛智慧不可盡,八、心緣不可盡,九、起智不 可盡,十、世間道種、法道種、智慧道種不可盡。

- (2)《大方廣佛華嚴經》卷 34〈26十地品〉(大正 10,182b11-13): 佛子!此大願以十盡句而得成就。何等為十?所謂⁽¹⁾眾生界盡、⁽²⁾世界盡、 ⁽³⁾虚空界盡、⁽⁴⁾法界盡、⁽⁵⁾涅槃界盡、⁽⁶⁾佛出現界盡、⁽⁷⁾如來智界盡、⁽⁸⁾ 心所緣界盡、⁽⁹⁾佛智所入境界界盡、⁽¹⁰⁾世間轉、法轉、智轉界盡。
- (3)《佛說十地經》卷 1 〈1 菩薩極喜地〉(大正 10,539b19-24):

是諸大願以十盡句而引發之。何等為十?所謂 $^{(1)}$ 以有情界盡, $^{(2)}$ 以世界盡, $^{(3)}$ 以虚空界盡, $^{(4)}$ 以法界盡, $^{(5)}$ 以涅槃界盡, $^{(6)}$ 以佛興界盡, $^{(7)}$ 以入如來智慧界盡, $^{(8)}$ 以心所緣界盡, $^{(9)}$ 以智入佛所行界盡, $^{(10)}$ 以世間轉、法輪 ** 、智轉界盡。

※案:「輪」或作「轉」。

(4)[唐]澄觀撰,《大方廣佛華嚴經疏》卷 34〈26十地品〉(大正 35,765a13-25): 初句為總,十願皆是為眾生故;餘九句別,別皆集成度生義故。一、眾生於何處住?所謂世界故。二、世界依何?謂盡虛空界故。三、說何法化?謂法界故。四、隨所化生安置何處?謂涅槃故。五、涅槃何用?謂佛出現故。六、以何方便巧化?如來智故。七、此智何知?謂知心所緣故。八、此心所緣令隨何境?謂佛智所入境故。即是真性。

後三轉盡,略攝前九,義含總、別。云何攝九?謂「世間轉」攝前眾生界、世界、虛空界;其「法轉」攝前法界、涅槃界、佛出現界;其「智轉」者, 攝前如來智。

下三「界」而言「轉」者,「世」、「法」及「智」展轉攝前、無窮盡故,轉亦是無盡義耳。

初、**眾生性竟**,二、世間性竟,三、虚空性竟,四、法性性²⁵¹竟, 五、涅槃性竟,六、佛生性竟,七、諸佛智性竟,八、一切心所緣 竟,九、諸佛行處智竟,十、世間法智轉竟——是名十究竟。

二、釋十種究竟

問曰:汝言「竟」,何者為「竟」?此義應分別。

答曰:

(一) 舉偈頌略標

眾生性若竟,我願亦復竟;如眾生等竟,如是諸願竟。 竟義名無意,我善根無意。²⁵²

(二)釋偈頌義

1、「竟」之意義:眾生性等若滅盡,我此十願乃盡,而實不盡

(1) **眾生性竟**者,若眾生都盡滅,我願便應息;隨(2)世間性盡、(3) 虚空性盡、(4) 諸法性盡、(5) 涅槃性盡、(6) 諸佛生性盡、(7) 諸²⁵³智性盡、(8) 一切眾生心所緣性盡、(9) 入佛法智性盡、(10) 世間轉、法轉、智轉盡,我此十願爾乃盡息;

但是「眾生性」等十事實不盡,我是福德善根亦不盡、不息。

「**不息」義**者,無量、無邊、不可思議、過諸算數,名為「**不息**」。

2、釋世間性、眾生性等無量無邊

(1) 世間性

如此三千大千世界、十方無量無邊,過諸算數故,名為「世間無邊」。

- 252 (1)《十住經》卷 1 〈1 歡喜地〉(大正 10,501c25-502a2): 如眾生盡,我願乃盡;如世間盡、如虚空盡、如法性盡、如涅槃盡、如佛 出世盡、如諸佛智慧盡、如心緣盡、如起智慧盡、如道種盡,我願乃盡。 而眾生實不可盡,世間、虚空、法性、涅槃、佛出世、諸佛智慧、心緣、 起智、道種實不可盡,我是諸願福德亦不可盡。
 - (2)《大方廣佛華嚴經》卷 34〈26 十地品〉(大正 10,182b15-18): 若眾生界盡,我願乃盡;若世界乃至世間轉、法轉、智轉界盡,我願乃盡。 而眾生界不可盡,乃至世間轉、法轉、智轉界不可盡故,我此大願善根無 有窮盡。
 - (3)《佛說十地經》卷 1〈1 菩薩極喜地〉(大正 10,539b24-28): 若有情界有斷盡者,是大誓願乃有斷盡,乃至若智轉界有斷盡者,是大誓願乃有斷盡。然有情界終無斷盡,此諸善根願無斷盡,乃至智轉界終無斷盡,此諸善根亦無斷盡。

²⁵¹ (性) - 【宋】【元】【明】【宮】。(大正 26,34d,n.8)

²⁵³ 諸+(佛)【宋】【元】【明】【宮】。(大正 26,34d,n.9)

(2) 眾生性

是諸世界中,三界六趣眾生無邊故,名為「眾生性無邊」。

(3) 虚空性

是一切世界中,內外二種虛空性254無邊故,名為「虛空性無邊」。

(4) 法性

是諸世界中,欲、色、無色、無漏性所攝有為法無邊故,名為「**法性無** 邊」。

(5) 涅槃性

若一切眾生滅度,涅槃性不增不減,是故「涅槃性無邊」。

(6) 佛生性

若過去十(35a)方諸佛無量無邊,今現在十方諸佛亦無量無邊,未來十方世界諸佛亦無量無邊。是故「佛生²⁵⁵性無邊」。

(7) 諸佛智性

諸佛智無量、不可稱、不可量,無等、無等等,無對、無比故,**諸佛智性**亦無量無邊,如佛告阿難:「**是聲聞人、諸佛智無量。**」是故「**諸佛智性**」無量無邊。

(8)一切心所緣

於過去世一一眾生無量無邊心,是諸心皆有緣生;未來世亦如是;現在世一切眾生心亦無量無邊,皆有緣生;是故「心所緣」亦無量無邊。

(9)諸佛行處智

諸佛力略說有四十不共法。是四十不共法,一一法行處²⁵⁶無量無邊。行

何者名為虚空界耶?虚空界者,亦有二種:一、內,二、外。

何者為內?謂此身中所有內分,內分虛空,虛空所攝,有覺知處,不普不 遍,色動轉處,飲食眾味,轉下消化,開張之處。又咽喉中、耳中、眼中、 鼻中虛空、舌處虛空、口內等空,口中舌動行處虛空,此等名為內虛空界。 何者名為**外虛空界**?所有虛空,覺處不攝,不一切滿,不一切遍,所謂樹 枝條葉間空、一切窟中諸所有空、山谷河澗,如是等中所有虛空,若外孔 穴,如是名為外虛空界。

(2)《順正理論》卷 3 〈1 辯本事品〉(大正 29,347b21-23):

內虛空界,所謂眼竅,乃至廣說。**外虛空界**,所謂空中及門窓等諸有竅隙。 255 生=出【宋】【元】【宮】。(大正 26,35d,n.1)

²⁵⁴ (1)《正法念處經》卷 3〈2 生死品〉(大正 17,13a29-b9):

²⁵⁶ 行處:(gocara),活動範圍,對象之世界。參見瓜生津隆真,《十住毘婆沙論》(I), (《新國譯大藏經》12,p.128,n.2)。

處無量無邊故,智亦無量無邊,是故說「佛行處智」無量無邊。

(10) 世間轉、法轉、智轉

A、總標

世間轉、法轉、智轉者,「轉」名「以此法,有所轉。」

B、別釋

(A) 世間轉

世間者,世間有二種:國土世間、眾生世間。²⁵⁷此中說「眾生世間」。 諸佛及諸菩薩,以無量無邊方便力**引導**眾生。

(B) 法轉

法轉者,以無量無邊善根福德,**攝取**諸佛法。

(C) 智轉

智轉者,無量諸善法、六波羅蜜、十地等**攝取**佛智,是故「智轉」²⁵⁸ 無邊。

C、三轉合成一願

此三同轉故,合為一願。

三、小結

是菩薩一一願牢堅故,成是十無盡願。

(參)結成

方如虚空,時如未來際。如是以略說、廣說,解是十願究竟。

世間有三種:一者、五眾世間,二者、眾生世間,三者國土世間。

²⁵⁷ 《大智度論》卷 70〈48 佛母品〉(大正 25,546b29-c2):

²⁵⁸ 轉+(無量)【宋】【元】【明】【宮】。(大正 26, 35d, n.2)

